

معارف دنگ



مباحث علم ثروت



جزو اول

مؤلف

جمعیت رسومیہ اعضاسنڊن

نوری



هر حق مؤلفنه عائددر

معارف نظارت جلیله سنک رخصتیه

استانبول

باب عالی چوارنده ابوالسعود حاده سنده ۷۲ نومرونی (محمود) پکاک
مطبعه سنده طبع اولمشدر

۱۲۹۹

T. 147

مقدمه

علم ثروتك جمعيات انسانیه اولان تعلقات مهمه سی
ترقیات فکریه نك واصل اولدیغی بو کونکی نقطه ایجابجه
بو علمه منسوب اولمیانلرك دخی تحت تصدیقنده در اعتقادنده یم
چونکه نشر مداوله افکار وسائط و وسائلنك مکتسب
اولدیغی انتظام و سهولت حاضره سی اربابنك غیرینه مستور
قلان بومثالو حقایقك کشف و تسهیل نشریه برابر علم
وجودیسی همان تعمیم ایتش کبدر .

ظن ایتم که دائره تمدنه کیرمش انسان جمعیتلرینك هیچ
برنده ترتیب اقیسه یه مقتدر اولان افکارجه بو علمك وجود
واهمیتی کلیاً مجهول قالسون ! علم ثروت بر علمدرکه تعمیق
اولند قجه دائره سی توسع ایتکده و کیده کیده شمیدی خارجنده
ظن اولنان پك چوق شیلرك بلکه اودائره داخلنده کورلمسی
استبعاد اولنما مقده در . اولجه کلیاً احتیاجات مادییه
محصور دنیلان تعلقی شمیدی معنویاته ده معطوف کوریلور .
مثلا انشراح قلبی موجب اوله جق کزنتی و مشاهدات بیله
مطالب علم ثروتدن عد اولینیور . بو حالده بزجه ده بونك

علی وجه المطلوب مرعنی کورمک و بوباده بولک و کوچک
بر خدمت ابرار سه موفق اولمق آرزوسی لبته حکم طبیعتنه
انقباددن شقه بر معایله تفسیر اولنه مز . اشته طبیعتک
اشبو الجاآت قطعیه سی ایجابندن اولمق اورده بر خیلی
وقدنبرو بو علمه دُر بر شی یازمق آرزوسی کو کلمده حکم
سورمکده ایدی .

جناب حق عمرواقال هماونلرینی افزون وعهدهء عالی
خلافیناهیلرینه مفوض اولان امور مهم سیاسیه ده توفیقات
صمدانیه سنه اقترانله قلب هماونلر بنی دائماً بمون بیورسون
پادشاهمز ولی نعمت افندمز حضرتلرینک عهدهء عبیدانه مه
توجیه و احسان بیوردقلری جمیت رسومیه اعضاالغی
معاملات رسومیه جه قواعد علم ثروته پکده رعایت اولنمیدغنه
اطلاع حاصل ایتدیردیکندن ذکر اولنن آرزوی عاجزانهم
بر قاندها کسب قوت ایتمکله اشبو اثر عاجزینک ترتیبه
ابتدار ایلدم . علم ثروته اولان معلوماتلری اوته دنبرو
ایشیدلمکده اولان دیوان محاسبات مدعی عمومی سی سعادتلو
ساقز اوخانس افندی حضرتلرینک بو کوره نشر اولنان
وحقیقه معلومات مسموعه لریله مناسب کوریلان بوباده کی
تألفلری کرچه علم مذکوره دائر خیلی ایضاحاتی حاوی
ایسه ده بو ایضاحات صرف قواعد علمیه دن عبارت اولوب
اشبو اثر عاجزانهم ایسه قواعد علمیه نک مباحثه طرزنده

توضیحاتیله برابر علم ثروت اربابنک مجملات ترجمه حالرینی و بو
خصوصده کی بر طاقم اجرا آتی و اعظم سالفه عربک دخی
علم مذکوره اولان وقوف و رغبتلرینه دأثر بعض مطالعاتی
محتوی اولدیغندن ینه فائده دن خالی اولمز ظن ایدرم .

عالم تار نخده تحریات حقایق ایله اشتغال ایدن ارباب
تدقیقک معلومیدر که مدنیت غربیه نک مستند اولدیغی اساسلرک
بر چوغی عربلرک هممات جلیله معرفتپروورانلری آثار ایدر .
کشفیات دقیقه علیه ایله اشتغالی اعتیاد ایدینان و علی الخصوص
صنایع نفیسه دن معدود اولان موسسینک دخی لزومنی تقدیر
ایله ترتیب قواعنده اهمال ایتمیان علمای عرب عجبا جمعیات
بشریه نک اسباب رفاه و ترقیسنی ارائه ایدن وشعبات علیه نک
قیمتدارندن اولان علم ثروت اوزرینه هیچ بر وقت اتعاب
افکار اتمامشلمیدر ؟

بو سؤاله عقول سلیمه البته ایتمشلر در جوابیله قاعده
منطقی محافظه یه مسارعیت کوسترر .

یا هله علمای سالفه اسلامیه نک بو بابده کی مجبوریت
دینییه بی نظر اهمیتدن دور طوطدقلرینه احتمال تصویری نصل
قابل اوله ییلور که ؟!! عالمک حقه سنده کی مرکبی دم شهدایه
ترجمع ایدن و انسانیتیه سعیمی مشروط قلان اسلامیتک
مقتضیات قطعه معارفپروور یسنه توفیق حرکت ضمننده
افنای وجود ایدر جه سنه تحصیل علم و کماله سعی و همت

خصوصنده علمای مشار الیه یکدیگرینه مسابقه کوستر دکر ی انهماک شهادت تاریخیه و اثار متعدده علیه ایله مثبتدره بو مدعای اثباته مدار اولمق اوزره ابن حلدونک شو عباره سنی بر برهان نقلی اولمق قبول ایتکی موافق عقل و حقیقت کوررم . جلد اول ص ۳۳۹ « و کذلک بز کتاب اولده ذکر ایده جکمز علم تدبیر منزل و سیاست مدینه علمی دخی دکدر زیرا تدبیر منزل و سیاست مدینه علمی بر منزله یاخود بر شهرده ساکن اولان خلق اخلاق حیده و حکمت عملیه مقتضاسنجه حرکت ایدوب وجه لایقی اوزره برکونه تدبیر اولمق کرکدر که اول منزله و شهرده ساکن اولنر بربرلیله معامله و تجارتلرنده و اعدالریله محاربه ده وسائر امورلرنده اعتدال اوزره حرکتی مفید قاعده لردن عبارتدر بو علمک موجب و مقتضاسیله عمل اولند قده نوع انسانک حفظ بقاسنه وسیله اولور . »

مشار الیهک ع- لم تدبیر منزل دیه آبروج، کوستر دیکی علم ندر ؟ و تعریفات مشروحه علی الخصوص « تجارتلرنده » قید و تعیری موضوعی علم ثروت اولد- ان دیکر بر علم وفنه عطف و اسناد اولنه یلور می ؟ و « حفظ بقای انسانه وسیله اولور » نتیجه سی تقسیمات جدید، علیه موجبنجه اوچه انقسام ایدن « ثروت » « سیاست » « اخلاق » علملرینک تعریف اولنان علت غائیة سنه . تمامها موافق دکلیدر ؟ بو

حاله مشار اليك « تدبير منزل » ديد يکنه « علم ثروت »
 ديمک ضرورتی تحقق ايتزمی . بوندن بشقه « علم ثروت »
 کبی اهميت فوق العاده بی حائز اولان بر حقيقتک کشف و تشریح
 ماهيته بجه علمای متقدمه عربيه نصل ذهول و اهمال اسناد
 اولنه يلور که !!! اوروپانک مخترعات جديده سندن اولديغنه
 عمومک اعتقاد ايتديکی « استينو غرافي » اصولی مؤلفین
 سالفه دن « ابو اسحق ندیم » نام ذاتک هجرت نبويه نک اوج
 بوز يتش یدی سنه سی تألیف ایلديکی « الفهرست » نام
 کتابده « خط شموع » ناميله مندرج ومذکور اولديغی تحقیق
 قلمشدر . وامويه علماس سندن « ابن العون » نام ذاتک اسامی
 علم ثروته مستند اولمق اوزره زراعتہ دائر تألیف ائیش
 اولديغی اوج جلد کتاب بیک سکز بوز التمش یدی تاریخ
 میلاديسنده فرانسیزجه به بالترجه بارسده موقع انتشاره
 چیقارلمش وزراعت جمعیتک صورت فوق العاده مظهر
 تقدیر وتحسینی اولغله مترجمه مکافات ایدلمشدر .

قواعد علم ثروتک علمای عرب جانبندن دائره تدقیق
 وامعانه النديغنه وحتی تدبير منزلدن بشقه بسیط اوله رق
 « اقتصاد » ناميله ده یاد ایدلدیکنه صاحب دیوان شاعر
 فاضل بک مرحومک اشعار عربدن مرکب اولمق اوزره
 ترتیب ائیش اولديغی « سعاده الدارين » عنوانی رساله سنده
 کوریلان شواشیغیکی بیتلر دلالت ایدر اعتقادنده یم .

« وقال ارباب النهى والفدلكه . الاقتصاد فى الامور مملكه
 القصد لا منع ولا اسرافاً ايضاً ولا نخل ولا اتلافاً »
 بيت اولك خلاصه فادهسى امورده اقتصادك وجوبنى
 بياندى عبارت اولديغى كى بيت نانى دى اقتصادك نه منع
 ونه اسراف نه بخر ونه اتلاف اولديغى كوستريور . بناء
 عليه اقتصادك اويله يالكر عادى تصرف وامسالك معنارينه
 شمولى اوليوب اساس اموردن اولان برمىانى ده افهام
 ايلديكى اكلاشيليور . بوتعرفك ايسه علم ثروتك مدنيت
 لفظى كى ترقيات فكريه ايله متناسباً توسع ايدن معانى
 شامله سنى حاوى اولديغى اشته اكلاشيليور . بو حالده
 بو علمك قواعد اساسيه وفرعيه سنه علمى عربك وقوف
 واطلاعى اولسنه قوتليجه حكم ايتك شعار حقايت وانصافه
 بك موافق كورنور .

سوزى بو قدر اوزاتمقن مقصد « علم ثروت » اطلاق
 اولنان برطاقم قواعد مجتمعه نك دول وملت عربيه مياننده
 دى مرعيتنى ظاهره اخراج ايتك بوندنده مقصد علم مذكور
 اويله الافراغه يكي چيغمه شيلردن اوليوب اثرلرینه اقتفا
 واجبه ذمتز اولان اعظم اسلاميه نك نظر اهميتدن دور
 طوتمدقلى برعلم نافع وقديم اولديغى يله رك وعلى الخصوص
 مملكتك بوباده كى احتياجاتنى حقيقه تقدير ايدرك مقتضياتنه
 توفيق حر كته اقتدار حاصل ايتكده كى لزومك شدتى

بیلدیرمکدر . چونکه اشاغیده صره سی کلد بجه ذکر وایضاح
ایدیله جکی وجهله بزده هنوز پک چوق معاملات علم ثروتک
بالوجوه خلافی اولان بروادیده جریان ایتکده در . اکر
اخطارک دعوی مزیتہ صلاحیت ویرمیه حکنی تخطر
ایتمه ایدم بویله براخطاره جسارت ایده مزدم . اشبو حقیقت
معروضه شو جسارتمه کستاحانه بر معامله نظریله با قدرمیه جغنی
امید ایدرم .

اوقاف هما یون ناظری دولتلو صبحی پاشا حضرتلرینک
« حقایق الکلام فی تاریخ الاسلام » عنوانلی تألیف عالی
طالمانه لرینک زینتبخش موقع انتشار اولان جلد اولنده اراضی
شامه منتهی عزیمت بولنان عساکر اسلامیه نك امر قومانده سی
عہدہ اقتدارینه تفویض بیورلش اولان « اسامہ بن زید »
حضرتلرینه خطاباً خلیفہ اول « ابو بکر » رضی اللہ تعالی
عنه افندمر حضرتلرینک لسان حقیقت بیان هما یونلرندن
شرف صدور بیورلدیغی روایت قلنان ارادات جلیله عدل
ومعرفت پروری علم ثروتک دخی محافظہ قواعدینی آمر اولمغله
عیناً بورایه نقل اولمشدر .

« کیده جککز مملکتده چوجق وقادینلرک وعموما پیرلرک
ومناسترلرده عبادتله مشغول اولنلرک حیاتی محافظه
ایده جکسکز . وما کول اولان هر نوع دیشی حیوانی ضرورت
اولدقجه کسمیه جکسکز . واچاچلری کسوب یاقیه جکسکز »

دیشی حیوان ذبحنک ضرورته تعلیق ایدلسی واغاح قطعنک
منع بیورلمسی علم ثروتک محافظه سی عدالت اقتضاسندن
اولان احکامه رعایتدن بشقه نه ایله تفسیر اوله یاور ؟

« امام علی » کرم الله وجهه اقدمز حضرتلری مصر
والیسی بولان « مالک بن الحارث » حضرتلرینه خطاباً تسطیر
بیوردقلری امرامه عظیم العوانده صایع وتجارتنک موجب
منافع کثیره اولدغندن بخله اربابنک مظهر صحابت وحایه
اولمرینی امر وتوصیه ایله قواعد علم ثروتک حامی صحیح
جلبلی اولدقلرینی اظهار بیورمشلردر .

حتی خلفای راشدین حضراتنک بوجهتی انظار فیض
دثار خلافتبهایلرندن برآن اوزاق طوتمدقلرینه ایهتلو دولتلو
خیرالدین پاشا حضرتلریک « اقوم المسالک » نام کتاب دقایق
اختوای سامیلرنده کوریلان شو روایت دایل کافیدر .

« خلفای راشدینک عصر همایونلرنده مصرک وبرکوسی
اون درت ملیون التونه بالغ اولوب شمдіکی عصرک سکه سنه
نظراً دار مذکور یدی یوز ملیون فرانقندن عبارتدر »

مخترعات صناییه نك بوکونکی درجه سنه نسبتله ققدانده
حکم اولنده یلان اوילה بر زمانده بریالت وارداتنک بودرجه یه
ابلاغی قواعد علم ثروتک تقدیر ماهیتنده کی مهارتنک تأثیری
اولدیغنه شبهه بر اقورمی ؟

حال بویله ایکن یعنی بو خصوصه همت واعتنائک وجوبی

اوته دنبرو اسلاف عظام جانبرندن قولاً وفعلاً اثبات اولمقده
ایکن هر نصلسه بر خیلی وقدر رزجه بودقیقه نك اهمیتتی کلیاً
اونودلش مثلاً اصول و نظاماتی بتامها قواعد علم ثروته مستند
اولق لازم کلان مکړ معاملاتمزدن بعضیری رطاقم اساس
مضره و غیر عالمانه اوزرینه تأسیس ایدلشدر .

جمیت رسومیه به بدایت مأمو یت عاجزانه مدبری
کړک موقع مذاکره به النان خصوصاته تعلقی جهتیرله و کړک
مطالعہ طریقیله نظردن کجوریلان نظامات وعموملردن
برچو غنی منافع مملکتک کلیاً خلافتده کوردم . ازان بجه
کویا منع سوء استعمال ملاحظه سیله مورد نظامی دیه برنظام
پایله رق تجارت و صنایعک اسباب اساسیه سندن اولان
معاملات نقیبه داخله پک پیوک مشکلاته دوشورلمش . شویله که
بر تاجر مثلاً از میره نقل ایده جکی بر مال ایچون صرفیات
داخلیه نامیله یوزده سکزرسم کړکنی عطا ایله لازم کلان
تذکره بی المش اولدیغی حالده متعنک چساق قلعه سندده
یاخود سواحلك سائر جهتلرنده از میردن زیاده رواجی
اولدیغنی خبر الویده او محله ایصالنی قصد ایتسه تذکره سندده
محرر اولان یر اولمیدیغی ایچون مالک اورایه ورودنده تاجر
مرقومک تکرار یوزده سکزرسم اعطاسنه مجبور قلنمی
نظام مذکور اقتضاسندندر . ذاتاً برآ اواسون بحرأ اولسون
داخلی کړکړک مضره فوق العاده سی درکار وقره کړکاری

قالقمش ايسه ده دكزده كيلر هنوز موجود و برقرار ايكن بومثلاو
 قيود تصعيباتك دخی اكا انضمامی مقدار مضرتك قات قات
 تزايدیتی موجب اولمش و اولمقده در . دها برغریبیده خوايج
 ضروريه دن معدود اولديغيچون رسمدن معاف اولان بعض
 اجزای اصلیه نك صنايعده استعمال اولنه بيله جك قسمتك
 رسم ايله مكلف طو تلسيدر . ملاودونك يانمق ايچون كلان
 نوعی معاف فقط صنداليه اسكمله صندوق و بونلره مماثل صنايعه
 متعلق اولان شيلرده استعمال اولنه بيله جك جنسی مكلف
 قواعد علم ثروت ايسه بو صورته هيچ بر وجهله مساعد
 اوليوب بالعكس صنايع و تجارتك ترويج و تسهيلی مستلزمدر .
 حاصلی علم ثروت نقطه نظر نجه واجب الالفادها برچوق عموم
 و نظامات وار ايسه ده بونلك كاملا شمدیدن لغو و اصلاحنه
 حال حاضرک عدم مساعده سی درکار اولديغندن بمنه تعالى
 سایه شاهانده ایلروده کسب سعه حال ایدلديکجه برر برر
 رفع و تعديلی و باخصوص هر دو ايله آیری آیری اولان تعرفه لرك
 دخی توحيدى قویاً مأمولدر .

— ترجمهٔ حال —

ثروت و راحت عمومیه‌نك صورت تحصیل وسائلنی
بیلدیرن و علم ثروت دینیلان فن مخصوصك عملاً وجودی
ظهور نوع آدمه برابر در .

جمعیات بشریه‌نك الك اولکی زمانلرینه نظر ایدیلور
ایسه کوریلور که علم ثروتك قواعد اساسیه‌سندن اولان
معاملهٔ مبادلات جمعیتلرک تأسس و ترقیلری نسبتنده تزیید
و تعدیل ایدلمشدر .

علم ثروت مسائلندن اولق اوزره انسان جمعیتلرنده الك
اول کوریلان ایشنه بومعاملهٔ مبادلاتدر .

روابط اجتماعیه‌نك کسب وسعت و انتظامی احتیاجاتك
دخی توسع و تنوعنی مستلزم اولغله محدود برداره ایچنده
اشیا مبادلاتیه دفع خواجه ایدن جمعیتلر کندیلرنجه حاصل
اولان وسعت و انتظام نسبتنده کیده کیده اوزاقچه محالره
نقل اشیا مجبوریتنده بولنمشلردر که مبدأ تجارتده ایشته
بومعامله‌در . اشبو نقل معامله‌سنجه مزیت تقدم شرقده
قالمشدر . چونکه غربك محصولاتنی بغدادی شراب

اودون کبی نقلی مشکل و قیمتی دون اشیای عادیہ دن وشرقك ايسه زينلی بيله زك و ذی قیمت طاش و کوزل رنکلی قاش کبی نقلی سهل و دکرلی مواد و معمولات نفیسه دن عبارت ایدی .

انسانلرك نفاست وزینته اولان میلار دائمیری معمولات شرقیه بی ترغیب اینمکه تجارت اخراجات وجوده کلمش و بوکا ابتدا مزیتی ینه شرقیه قالمشدر .

آسیای کبیرك معمولاتی چولدن دوه لرله « فنیکه » نك تجارتله مشهور اولان عظیم شهرلینه اورادن دخی افریقا واسپانیا ممالکنه و غربك اك ابچرولرنده واقع بلدانه قدر نقل و ایصال اولوردی .

معلومات تاریخیه « علم ثروت » قواعدینك ترقی و تدنیء ملل جه اولان تأثیر کلیسنی پك کوزل ظاهره چیقارر . آوازه شهرتلی جهانی طوتمش اولان « رومالیر » بدایت ظهورلرنده اراضی معیشتلی طوپراغه منحصر اولوق حسیله مساعیری کلیاً زراعتیه مصروف اولان سر بست افرادك تحت تصرفنده بولنمقدن ناشی صلح و اسایش ایچنده یشارلر ایدی . وقتاکه زرهی صپانه ترجیح ایتدیلر یعنی سوق سودای فتح و ظفرله غوغا جیلوق طریقی طوتدیلر اراضی خالی عن الزراعه قالمغله ارباب ثروته اول امرده رهن مؤخرأ استیفای دینه عدم استطاعت ملابسده سیله قطعی اوله رق ترك و فراغ ایدلمشدر .

ایشته بوحال اراضی بی صورت مشروحه و جملہ بالتدریج
بد تصرفینہ پکیرن و « پاتریسٹن » تسمیہ اولنان زادگان
فرقہ سیلہ اراضی سنی الدن چیقاراں و « پیلہ بی سٹن » دینیلان
عوام کروہنی یکدیکری علیہنہ دوشور مکہ پک چوق فنا لغہ
باعث اولمش حتی قوام وحشیہ یہ طریق استیلای کشادہ
قدر وار مشدر.

اقوام وحشیہ نک علم ثروت نقطۂ نظر نجہ « روما »
ممالکنہ ایراث ابتدکی مضرت یک یوکدر . تجارت
وصنایع دوام وترقیسنہ موقوف علیہ اولان اس و آسایش
طوائف مزبورہ نک و حودیلہ رومادن محو و نابود اولمعلہ
زمان اولشیدی کہ التون کوش نہب و غارت قورقوسندن
دفن و اخفا ایدیلہ رک انظار خلقدن کلیاً مستور قالمشیدی .

بوابدہ کی شورش و اغتشاش تاظہور حرب صلیبہ قدر
غربدہ دوام ایش و یوکون اوروپانک بولندیغی و مسارعة
قطع مسافہ یہ چالشدیغی علم ثروت جادہ سنی حرب صلیب
آچشد.

قرون وسطی دہ اوروپانک اکثر محاررندہ علی الخصوص
فرانسہ دہ اہالی . بنہ قائم اولان « سرف » دیدکری ہر نوع
حقوق انسانیہ دن محروم رچوق نفوس حتی ازالہ بکرحقی
دخی کندیلرینہ عائد ادعا سندن بولنان برالای ظلمہ و جملہ دن
عبارت درہ بکیرینک تحت تحکم و تعدیلرندہ بولنمعلہ صنایع

و تجارتك مابه الوجودى اولان امن واسايش كلياً مفقود
بناء عليه « علم ثروتك » نامى بيله نامسموع ايدى .

حرب صليب ايچون شرقه توجه وعزيمتك اوروپا جده مودا
حكمنى المسى دره بلكرىنى واىكنجى واوچنجى درجه ده بولنان
اصحاب القابى بوخصوصده دعواى مسابقته دوشورمكله
تدارك لوازمات سفرىه ضمننده بوسينيورلر املاكارىنى فروخته
قدر كنديلرلى مجبور كوردكلرى كى حسيات دينه لرلى
تحريك ايچون دى معيتلرنده بولنان « سرف » لردن چوغنى
ازاد ايتشلردر كه بونلر مؤخرأ حراوله رق مملكتلرينه
عودتله « بورژوا » يعنى اصناف فرقه سنى تشكيل ايتش
وايشته حرب صليب يوزندن صنايع و تجارتك وجودينه
باعث اوله جق بويله برفره واووقته قدر يكديكرىك مجهولى
بولنان شرق و غرب ميانده برطريقى مناسبات پيدا اولمشدر .
كرچه بو حال اون التجى عصره قدر فرانسه ده عملاً بعض
تفرعات فنيه نك كورلمسنة سبب اولمش ايسه ده بونلردن پكده
استفاده اولنه مامشدر . تاريخه عصر مذ كورك اعاظمندن
معدود اولان فرانسه قرالرندن دردنجى « هازى » ابله
وكلاسندن « سوللى » و كذلك فرانسه قرالرندن « لوى »
ابله وكلاسندن « قوبر » « علم ثروتك » جمعيت انسانيه
اولان جهت تعلق مهمنى حقيقه تقدير ايتريله بوفك نظريات
صحيحه سنى اك اول بونلر اس اس اتخاذا ايتشلردر . بناء عليه

« علم ثروت » عالمجه فرانسه ایچون نظراً مبدأ اون التنجی عصر اعتبار اولنق موافق حقیقتدر .

دردنجی « هازی » قراللق تحتنه جلوسنده فرانسه بی حال تنیده بولشیدی . اولجه وقوعه کلان دین غوغارینک نایچندن اولق اوزره نظام وانتظامدن عاری برطاقم حرب افرادی قرا وقصباته یایله رق یدخسار وتعذیلرینی هر طرفه اوزاتملریله زراع پریشان وزراعت معطل قالمش وامنیت وانتظام ایسه شورش ودهشته تحول ایتشیدی . محاربات داخلیه ذاتاً مترقی اولمیان صنایع وتجارتی ضعف وتنزل عظیمه دوچار ایتدیکی کبی سوء اخلاق علت وخیمه سنه مبتلا اولان مأمورینک دخی واردات دولتی تلف ویماده کی مهارت کامله لری خزینة مالیه بی صوبی بتمش صرنجه دوندرمشیدی . ایشته حال بومر کرده ایکس « هازی » ووزیری « سوللی » برهمت جهان پسندانه ایله اجرای اصلاحاته باشلامش وبرطاقم نظری اساسلردخی وضع وتأسیسنده موفق اولمشلردر . اول امرده زراعتک تحت تأمینہ التمسی التزام اولنمغله اشخاص مسلحه نك منع خسار ومضاری ضمننده ۲۲ مایس ۱۵۹۸ و ۴ اغستوس تاریخلریله اوامر شدیدہ اصدر واحکامی اجرا ایدلمشدر .

زراعتک هر نوع تسلط وتعیدین مصون قالسی حصو صنده دردنجی « هازی » وفاتنه قدر اصلاحتجويز اهمال ایتما مشدر .

۱۶۱۰ تاریخنده المانیایه سوق عسکر ایتدیکی ائنده
 بعض بلوكرك كویلی خانه لرینی یغما ایتدکری مشار الیهك
 مسموعی اولدقده نزدنده بولنان وضابطلق صفقیله عساكر
 مذکوریه اولاشمق اوزره منتهی عزیمت اولان امرایه آتی
 وجهله ایلدیکی خطاب ذکر اولنان عزم و نیت علیه سنی
 اثباته کافیدر. « افندیلر. عسکر یكرك نظامسزلغندن تولد
 ایدن ضررك بکا جوانی ویره جکسکزدرد. اگر اهالی محو
 و پریشان اولور ایسه ویرکوی کیم ویرر. اسباب حربی
 کیم تهیه ایدر. سرك مخصوصاتکزی کیم اعطا ایلر اه شاهد
 اولسون که هر کیم اهالیدن بر فرده طوقنورسه بکا طوقمش
 اولور. »

مال مأمورلرینک ایفای تکلیفاته عذیم الاقدار اولان
 چفتجیلرک حیوانات و ادوات زرعیله لرینی ضبط و فروخت
 طریقله استیفای حقوق میریه یه دواملری زراعک پریشانی
 حالنی و اراضینک زراعتدن خلوینی انتاج ایتمکله اشبو
 معامله ظالمة تخربکارینک منع وقوعی مقصد خیریه کرک
 حیوانات و کرک ادوات بونلر اراضینک مشتملات غیر
 منفکه سندن عد اولنوب هیچ برینک آبروجه فروخت
 اولنماسنی مشارالیه قرال « هانری » اراده شیده قطعیه
 ایله قاعده اتخاذا ایلشدر. سوء اداره لک شانندن اولان ثقلت

بار مکافات اهالی بی ازوب بتورمش وشو حالک علم ثروتجه
 دوکار اولان مضرت عطیه سی مشار الیهک معلومی بولنش
 اولدیغدن ویرکویی حد لایق ونصابنه تنزیل وبوندن بشقه
 اهالینک ذمتده قلان یکر می بش ملیون فرانق بقایای دفعه
 عضو ایله نامنی تجیل ایتشد.

زادکندن بشقه اصناف طاقی واصنافدن زاده لک
 عنوانی آلا نلر دخی تکالیفدن معاف طوتیله رق مکلمینک یالکز
 چغنجی طائفه سنه حصر وقصری مشار الیهک مساک
 اصلاح پروریسنه توافق ایتماکله اصنافی و صکره دن زاده لک
 عنوانی الان افرادی دخی داخل تکلیف ایدرک درّه
 توزیعی توسیع ایتشد.

زراع وزراعتی بوسورتله تحت حایه وامنیته الدقدن صکره
 سربستی تجارتک دخی اساسنی وضع ایتمک مقصد فن
 پرورانه سیله ذخیره اخراجاتنه مساعدده کو ستر مشدر . او
 وقته قدر فرانسه ده مجهول اولان چایر بتشدیر مک اصولیله
 ایپک حصولی ضمننده دود اغاجلرینک رکزی مشار الیهک
 انار همت ترقیجویانه سندندر .

اوعصره ده فرانسه ایله انکثره ییننده صنایعجه اولان
 فرق کلفت موازنه دن او قدر دور ایدیکه فرانسرلر انکلیرلرک
 اسکیسيله اظهار زینته شتاب ایدرلر دی . استعمال قابلیتی
 بالوجوه غائب ایتش غایت اسکی ویامالی اثواب وشابقه

و بونلر کبی سائر اشیا انکلتزه دن دنکترله فرانسسه یه کلور .
 و عقبنده حسن قبوله مظهر اولوردی . مشار الیهک همت
 عالی جنابانه سی مملکتک اشبو حال ذلت اشتمالده قالمسینه
 بروجله مساعد اولماغله تهیه اسباب زینته مدار اوله حق
 صنایع مخصوصه نك وجوده کلمی امرینه فوق العاده اهمیت
 ویرمش وایشته بوصرده حریر حصولنه کمال کرمیتله
 چالشلشدیر . « سولی » مشار الیهک بو بایده کی فکر
 و مطالعه سنه کلیاً مخالف اولوب خلعک زینته رغبتنده محذور
 مطالعه سیله لباسه قطعاً اهمیت ویرلماسنی توصیه وایشلمه لی
 و قیتلی قاشلردن معمول البسه یی لابس اکا بری استهزا ایدردی .
 کندوسی ایسه دائماعبا و قبا چوقه لردن یاپیش اثواب کیردی
 بونکله برابر بو بایده کی مخالفت مصرانه سنک نزد قرالیده
 مثر اولماسینه متأثر اوله رق یأس و فتوره دوشمیوب وظیفه
 صدق و اختصاصنه اتباعا قرالنک ترویج اراده وارزوسنه
 وسع استطاعتی مرتبه سعی و اقدامدن خالی قالمز و حتی دود
 افاجلرینک عملیات رکزیه سنه بالذات نظارت ایدردی .

مشار الیه « هانرینک » ترقی صنایع مسئله سنده ایکی
 مقتدر مستشاری و ارایدی که بونلردن برینک اسمی « باریتله می
 دولانفا » دیگرینک ککیده « اولیوییه دوسر » ایدی
 « باریتله می » اولا قرالک ترزینک مؤخرأ قرنالقی خدمترلنده
 بولنش و ابراز ایلدیکی مآثر لیاقتیه مبنی تجارت مفتشی نصب

وتعيين اولنهرق مؤسسات صنايعيه پك چوق خدمت
ايتمشر « اوليوي به دوسر » بىك بش يوز اوتوز طقوز تاريخ
ميلاديسنده تولد ايدوب اوتوز بش سنه كندو اراضيسنده
زراعتله مشغول اولدقدن صكره تاريخ مذكورك بىك بش يوز
طقسان طقوز سنه سنده « هازى » جابندن پارسه جاب
اولنهرق اجراى اصلاحات صنايعيه مأمور ايدلمش
وموحي اليه برچوق اجرا آتدن بشقه پارسده كاشن « توليرى »
نام سراك باغچه سنه بىك بش يوز دود غاجى ديكمشر .
بوذات صنايعه عملا برچوق خدمت ايتديكى كى توارىخ
وعنوانى زيرده محرر آثاريله قلماً دخى بيوك خدمتلىر ايتمشر .
مباحث حصول حرير تاريخ نشر ۱۵۹۹ بياض دود
ثروتى تاريخ ۱۶۰۳ مباحث زراعت ۱۶۰۴

« هازى » صنايعك يالكز طور اغه تعلق ايدر جهتيه
آكنفا ايتيوب باقر وقورشون وتيور وجام وسائر فابريكلى
تأسيسيله جهات سائر سنيده نظردن دور ايتديكى ائبات
ايتمشر . بوزمانلرده ثروت مليه نقطه نظر نجه افكار عموميت
اوزره اقيچى نك خارجه چيقيمامسى ايچون اشيائى اجنييه نك
منع دخولى طرفنه معطوف ايدى اكرچه بو اصول علم ثروت
تاريخ نجه « قولبر » لك اصولى ديه معروف ايسده ده قولبرك
ولادتدن قرق اللى سنه اوله تصاف ايدن طقوزنجى شالى
زمانده معمولات اجنييه نك فرانسه يه منع دخولى بونك محصرأ
قولبره اسنادى طوغرى اولمديغنى كوستر .

« قولبر » تاریخ میلادك بك التي يوز اون طقوز سنه سی
 دنیا به کلوب برمدت اقلام دولنده استخدام اولندقدن صکره
 فرانسه قرالرندن اون دردنجی « لویی » وکلاسندن
 « مازارن » ك اشای وفاتنده واقع اولان توصیه ووصیتی
 تأثیر یله قرال مشارالیهك وکلاسی عدادینه داخل اولمشدر .
 « قولبر » ك فرانسه تاریخنده تحیر ایتدیکی مقام حقیقه

ممتازدر . « ربشلیو » و « مازارن » کی پولتیق ومحارب
 وکلانك « سوللی » دن صکره وادی نسیانده برقدقری
 اصول واجراآت علم ثروت « قولبر » ك همتیله تکرار موقع
 اهمیتته الیشدر . مال مأمورلرینك عادت حکمنه کیرمش
 اولان سوء استعمالته حد نهایت وضعیله امور مالییه یی تحت
 انضباطه الیشی مومی الیهك تزیدسرفنی موجب حالاتنددر .
 « قولبر » توسیع حال خزینه به ایکی صورتله متشبت
 وموفق اولمشدر . بری تقبیل مصارف بریده اصلاح
 اصول جبایت اشبواجرا آتی تنزیل تکالیف خصوصصنده کی
 آرزوسنکده حصولنه یاردم ایتکله « سوللی » بك برخلف
 مکمل التشنباتی عد اولنغه استحقاق کسب ایتمشدر .

« قولبر » ك اقدام مشاغل ذهنیه سی تکالیف ورسومك
 اداره واصول جبایتی توحید ماده سی ایدی . چونکه
 هرولایت دفع احتیاح ضمننده جلب نقوده کندینه مخصوص
 مکرك اداره لری تأسیسی چاره منفرد کوردیکندن ممالک

داخله بر چوق كرك اداره لريله مالا مال و هر ولايت حدودنده اعطای رسم مجبوري تي نقل اشياء معامله سنی نهایت درجه ده مشکلاته دوشرد مکندن بو حالده دوام عقل سليم ايچون محال ايدي .

« قولبر » اشبو نقطه مهمه يه احاله نکا . اهميتدن خالی قالماغله كرك معاملاتك يالكز حدوده حصر و تخصیصی ضمننده تشبثات لازمه يه ابتدار ايتش و بر قاچ ولايت بو صورتی بالسهروله قبول ايله کندی حدود لرنده کی كرك اداره لر بی لغو ايتلشدر . صنایع ملیه يه تازه حیات و بر مک عزم عظم قطعیه يله « قولبر » بک التي يوز التمش يدي تار یخنده آتی وجهله اساس اربعه نی وضع و تأسیسه موفق اولمشدر برنجیسی اجزای اصلیه اجنییه بک فرانسه يه سر بستی دخولی ایکنجیسی فرانسه دن حارجه چیقان اجزای اصلیه نك رسم ايله مکلفیتی اوچنجیسی عندالحاجه معمولات اجنییه نك منع دخولی دردنجیسی اخراجاتك ادخالته غلبه سی ضمننده هر نوع تسهیلانك اجراسی « قولبر » ك اخراجاتی مکلف طوتمسی و معمولات اجنییه نك منع دخولنه جواز کوسترمسی اول امرده عالما به بر حرکت دکل کبی کورنور ایسه ده بونلری فرانسه صنایعنك اجانبه رقابت درجه سنه وصولنه دکنین وقت اوله رق اتخاذ و اجرا ایلدیکی مؤخرأ اکلاشلسی اوزرینه بوبابده کی شبهة نقصان زائل اولمشدر .

اون دردنجی « لوتی » لك ايلك سنه لرنده « قونتس » لردن
 برخاتوك المش اولديغى مزین برآينه بی دوستلری کوروییه
 فصل ایدینه یلدیکنی سؤال ایتدکلرنده ایشه یرامز برترلام
 وار ایدی انی صاتوب الدم حوابی و یردیکی روایت
 تاریخیه دندر . اشته بویله برآینه اشتراسیچون برترلا فروختنی
 تجویز ایندییره جک قدر محرومیت معرفت و صنایعه مبتلا
 اولان برعملکتنده موقت اوله رق بومثللو اصولک تأسیسی
 بلکه علم ثروت اقتضاسندندر . اصل فن اوله رق اون سکزنجی
 عصرده تأسس ایدن علم ثروت قواعد مخصوصه سنک
 آنف البیان تمیه اسپانه همت ایدن ذواتک ریده « ووبان » دره
 « ووبان » تاریخ میلادک یلک التی یوز اوتوز اوج سندسی
 فرانسه شهرلردن « لیورنه » ده تولد ایدوب زادکاندن
 ومنسوب اولدیغی صنف عسکریده ابراز مآثر جلادت ایله
 حیثیت قزانش مشاهیردن ایدی . طرح ونوزیع تکالیفجه
 مشهود اولان عدم عدالت و مساواتی بردرلو حوصله
 انصاف و درایتیه صفدییره میوب بیک یدی یوز یدی تاریخده
 اصول اعشارک لزوم انخاذه دائر نثریاته قیام ایش
 فقط بوبابده کی مطالعاتی منافع خصوصیه لرینی خلافتده
 کورن اصحاب عنوانک جالب غیظ و غضب لری اولغله تألیف
 ایتدیکی کتابک بالجمله نسخه لری حکومت جانبدن ضبط و محو
 ایدلمشدر .

مومی الیه هر نقدر مشهور « تورغو » نك دلايتيله قرال
اون دردنجی « لوئی » نك حضورينه چيقيش ايسهده مقرينك
سوء نظر وعداوتلری نمره سی اولق اوزره مستحق اولديغی
معامله حسن قبوله مظهر اوله مديغدن کمال یأس وقتور ايله
اراضيسنه چکلشم و حاصل ايتديکی فرط تأثر والمدن هلاک
اولوب کيتمشد.

« ووبان » لک تحت تدقيقه الديغی مسائلک باشليجه لرندن
بری ویرکو حقنده کی امتیازدر که بونک بالوجوه واجب الرفع
والالغا اولديغنی ادعا ايله اصول اعشاری بوجهتجه حصول
مساواته کافی کورردی. بوذاتک مسلکنی التزام ایدن
« بووا کيتر » دخی موقع انتشاره وضع ايتديکی اثرينک ضبطه
سزا کورلمسی مصيبتنه دوچار اوله رق حتی نفیه بيله کتمش
ايسهده مؤخرأ نائل عفو اولمشد. بوذاتلر منحصراً
محصولات ارضيه نك ترقيسی التزام ايتدکری ایچون
« علم ثروت » لسانجه « فیزیو غرات » ناميله یاداولتمشدر.
بو ایکی ذات افکار خیرخواهانلری یوزندن دوچار
اوله قلمری مغدوریتیه قارشو زمانلری عقلاسنک مظهر تقدیر
وترجلی اولق شرفبلهده متسلی اوله ماشلردر. حتی
غرائبدن اولق اوزره « وولتر » کبی افکار وسیعه اصحابندن
مشهور برذاتک بيله هدف طعن واستهزاسی اولمشلردر.
قرال اون دردنجی « لوئی » نك آخر زمانلرنده اداره یه

طاری اولان اغتشاش خزینۀ دولتی ضعف عظیمه دوشورمش اولدیغندن مشارالیهک وفاتندن صکره سرعت تأدیه سی لایله اولان سکر یوز یکریمی برملیون فرانق دیه قارشو عجز وخیرتدن بشقه میداده بر سرمایه قالمامشیدی.

بویله زمانلرده ظهراً تخفیف مضایقه یه مدار کوریتان تصورات جدیده نیک حسن تلقی یه افترانی کثرت اوزره کوریلان احوال دین اولمغله «لاو» نامنده برذاتک قائمه اخراجی حقنده کی تصور جدیدی حکومتجه بالنقدیر موقع فعله چیمارلمشیدی.

قوائم نقدیه نیک تسهیل معاملاتیجه فوائد کلیه سی «علم ثروت» جه منکر اولدیغی کبی شرط لازمک فیداتی حالنده دخی مضرت فوق الغایه سی مصدور. بوشروط قائمه نیک هیچ روقت اعتبارجه نقددن دون اولیه رق هرآنده عینیه نقده تبدیلی ممکن اوله بیلکدر. عکسی حالنده ایادی ناسده تأدیه سی آخرته قالمش مفلس سنداتی حکمنده قاله جغندن بوندن عموماً حاصل اولان مخاطره پک بیوکر.

فرانسه نیک اوزمانکی حالی تداوله چیماریلان قوائمک محافظۀ اعتباریه مساعد اولمغله خصوص و عموماً حاصل اولان ضرر و زیان و مضایقه و مشکلات نهایت مرتبه یه وارمش و بوندن طولانی عموماً افکار اشبوتدیر مضرک علیه متوجه اولدیغی صروده و سائل سلامت و ثروتی طوپراقده کوسترن

« فیزیو غراسی » مسلکته تقویت ویرن دو قنور « کهنی »
ظهور ایتشدر.

« کهنی » تاریخ میلادك ۱۶۹۲ سنه سی « مری » ده
دنیا به کیشدر. مومی الیه « مانت » شه نده علم طبی تحصیل
ایتمش و وسعت فکر و معلوماتی دائرة الفتنه داخل اولدینی
ماراشال « نوئی » نك تحسین و مودتنی جلب ایتککه انك
معرقیله پارسه کیشدر.

بوزات اووقت موجود اولان « قوربوراسیون » (*)

(*) فرانسه نك هر طرفده اصناف شعبه لری « متر » یعنی استاد
دینیلان بر فرقه قلیله نك تحت اداره مستبدانه لرده ایدی. اصناف
اولیان بر آدم یا خود اصنافدن اولدینی حالد کنده شعبه سندن بشقه
بر شعبه ده تخصیص ایدلمش اولان بر صنعتی نه قدر عادی اولور ایسه
اولسون احرایه مقتدر اوله مزدی.
مثلا بر آدم او طه سنك دوشمش اولان قبو رزه سنی ییله اکر صنعتی
رزه یا بمق دكل ایسه میخلاق صلاحیتی حائز اوله مدینی کی قبیو یا بمق
شعبه سنده بولان بر دلکر و یا خود طوغرامه چی طوان علیاتنده
بولنه مزدی. استاد نك عددینی ممکن مرتبه تقلیل شعبات ارکانك
منفعتلری اقتضاسندن اولمغله قلفه لقندن استاد لغه ارتقا همان محال کی
ایدی. اسناد لغه استحقاق کسب ایدنلر خرج قبول نامیله بر طاقم
پارهر و یرمک مجبوریتندن بشقه « روراند » دینیلان هیئت شعباته
یعنی لونجه ده مکلیتی تصدیق ایتدیره جك در حده صنعتلر نه بر اثر
یا بوب ابراز ایتك قیدله ده مقید ایدی. ذکر اولدینی وجهه اشبو
هیئرلر استاد نك تکثیرینی منافع خصوصیه لرینه مغایر کوردکلرندن بو
صورتله نظر لرینه عرض وارائه اولان انارک همان هر وقت دینیه جك
مرتبه عدم قبول و تصدیق جهتی التزام ایدرلر ایدی.

اصولنی ذهن ومطالعہ سنہ بردراو توفیق ایدہ میوب ہونک
علینہ دہا نباز طعن ودشنام اولغلہ ارتق پارسدہ اجرای
طبابتہ امکان براقدیغندن عودتی تصویب ایتمشیکن قرال
اون دردنجی « لوئی » نک خدمت طبابتہ انمسنہ مبنی
کیدہ میوب قالمشدر .

« کہنی » « ورسای » سراینده کندوسنہ تخصیص
اولنان دائرہ مخصوصہ ده طویلان ذواتہ علم ثروت
دائرہ سندہ بیان افکارہ شو طرزلساندہ دوام ایدردی . « عضو
وحباتہ مالک کافہ موجودت تأثیرسریعی ارادات بشریہ ده
ہرآن محسوس اولان قوانین طبیعیہ نک صورت قطعیدہ
مغلوب ومحکومیدرلر . بوموجوداتک اول قوانینک دائرہ
تحکمندن چیقہ بیلسی انجق محو ایلہ اولہ یلور .

بناء علیہ اعضانک خستہ لقدن راحتسز اولدیغی اثنادہ
مداواتہ شدت انہماک ایلہ وجودی اتعاب جائز اولمیوب بلکہ
اعضایہ حرکات طبیعیہ سنی ارجاع خصوصنہ چالشلیلدر .
جمعیت بشریہ دخی وجود انسانہ مشاہد اولدیغندن اکادہ
عینی بویولده معاملہ ایدلمیلدر . »

ہر شعبہ نہ شکل وصورتدہ مواد اعمال ایدیورسہ آندہ دوام
قاعدہ قطعیدہ اقتضاسندن اولدیغندن اختراع یاخود طرز وصورتجہ
جزوئیجہ بر تغییر ممکن دکل ایدی . مثلاً صو بارداقلری قولیلی
یا باقدہ ایکن ظریف ویاخود قولای اولور ملاحظہ سیلہ قولیسز یا باسنہ
بر طرفدن قیام ایدلسہ قیامت لر قوپار ایدی .

دوقنور « که‌نی » هرشیئی طبیعتہ براتق و صنایعی
زراعتدن عبارت کورمک صواب اولدیغنی درمیان ایله
صنایعک اقسام سائرہ سنی « غیر مثر » تعبیرله یاد ایدردی .
بومطالعہ علماً مجروحدر .

« فرہ دریک باستیا » نک افادہ سی وجهله صنایع متنوعہ
میانده برکونه مبانئت محسوس اولیوب بونلر بربرلرینک
حامیسی واستفاده لرینک حاد میدرلر « فیروغرات » لک
صنایع مثرہ و صنایع غیر مثرہ دیه زراعتله صنایع سائرہ بیننی
تفریق ایدیشلری خطای محضدر .

« که‌نی » دائرہ مخصوصہ سنده مدت مدیده کندی
اصول فنی تقسیم و تعلیم صکرہ کلیات فنونه درج اولتیق
اوزره ۱۷۵۶ تاریخ میلادیسنده « چفتاک » و « تخم »
عنوانلرله ایکی بند مخصوص قلمه المش و براز صکرہ دخی
مطالعاتی ده‌ا عمومی بر صورتده ناقل اوله‌رق « جدول علم
ثروت » نامیله برکوچک رساله تألیف ایتمشدرکه بونک
ورسای سراینده کی مطبعه ده اثنای طبعنده بر جزؤ فی مجرد
مؤلفک تزید شوق و خواهشی ضمنده قرال اون در دنجی
« لوئی » بالذات کندیسی ترتیب ایتمشدر .

« که‌نی » لک وفاتندن صکره افکارینی یعنی « فیروغراسی »
مسلکنی ترویج ایدر « ووپون » و « مرسیه » کبی بر قاج
ذات ده‌ا کلمش ایسه ده بونلرک الک مشهوری « تورغو » در .

« تورغو » ۱۷۲۵ تاریخ میلادی مایسنگ اونجی کونی
پارسده معروف بر فاملبادن تولد ایتشدر . کوچکلکنده
بر درجه قورقاق ایش که خانه لرینه ریباچی مسافر
کلدیکنده قورقوسندن صندالیه وقاریوله کبی شیرک التمه
صاقلنوب او مسافر کیدنجه یه قدر میدانه چیقمازش .

پدری مومی الیهک مشهود اولان بو درجه جباتندن
طولایی پاپاسلقدن بشقه بر شیئه یرامیه جغی زهانه دوشمکله
کندیسنی او صنفه ادخال ایتشدر . « تورغو » مذهبه دأر
اولان تحصیلنی تکمیل ایتدکن صکره تبدیل طریقه قرار
ویردیکنی فاملیاسنه صورت قطعیده بیان الیسی اوزرینه
ابوینی جانبدرن ایدیلان مخالفت مثر اولماغله ۱۷۵۱ تاریخنده
یکرمی بش یاشنده اولدیغی حالده مدعی عمومی معاونلکی
صفقیله پارلمان دأره سنه داخل اولشدر . اشبو مسلك
جدیدنده مسارعة قطع مراتبه موفق اولدیغی کبی اکا
بر وظرفا مجلسلریله کسب مناسباته کوسترمش اولدیغی
استحقاق کلیات فنونک مرتبی « دیده رو » ایله ده روابط الفتی
تشبیده باعث اولدیغندن کلیات مذکوره نك امور تحریریه سنه
اشتراک ایله امضاسی تحتنده برچوق بندر یازمشدر .

اوزمانلر « پارلمان ، معاونلریک مال مأموری صفقیله
ولایتله کوندرلسی اصول اقتضاسندن اولدیغندن « تورغو »
« لیموسین » ولایتنه او صفقه کوندرلشدر .

یولسزلق واکا انضمام ایدن تعدیات مأمورین بلاسیله
اشبو ولایت فقر و مضایقه و جهالتک اک نهایت مرتبه سنه
وارمش اولدیغندن « تورغو » کاله ایرمش اولان علم ثروت
افکارینک اجرانجه محل مذکورده پک چوق . شکلاته
تصادف ایتشد . حتی طیق انشایی ایچون انغاریه
اوله رق چالشمی بر بدل مناسبه تحویل ایتک کبی ولایتک
منافع عمومیه سی داخلنده اولان فکر و تشبث معقولنه خلعت
مقاومات شدیدہ جائلانه سی قارشو کیشدر . مع مافیه
« تورغو » بوندن قطعاً مایوس اولیوب بر صورت ماهرانه ده
یعنی بول انشاسنی بول یاییجیلره مقطوعاً احانه یله بوللر
یاییلوب منافع درکار اولدوقده مصارفنی اهالییه توزیع
طریقیه قصورینی بالسهوله فعله چیقارش و بو وجهله درت
یوز سکسان کیلومتر و یول انشاسنه موفق اولشدر .

بو ولایتک تکلیفاتجه مشهودی اولان فنالیرینک ازاله
واصلاحی ضمنده پک چوق تصورات و مطالعاتده بولنش
ایسه ده مطالعات و تصورات مسروده سنه مافوقی جانبدن
جواب اعطا اولنماغله کندوسی موقع انتداره کلنجیه قدر
هیچ برینی اجرا ایده مامشدر .

« تورغو » نک مسند و کالتده بولندیغی ائتاده فائسده
ایتمش اولدیغی ودها ایتک آرزوسنده بولندیغی خدماتک
علویته شهادت تارینجیه ایله مصدقدر .

اگر مظهر امنیت و اعتمادی اولدیغی فرانسه قرالردن
 بیچاره اون التنجی « لوتی » محافظه منافع خصوصیه سودای
 جاهلانه سیه « تورغو » نك اجرا آت خیره سنه قارشو
 وقوعه کلان طعن مقاومته ضعف قلب الله مقابله ایتیبده
 مشارالیهی طوتمش اولیدی اوروپایی قصابخانه به چویران
 او قانلی اختلال مصیبتی بلکه ظهور ایتزدی .

زواللی اون التنجی « لوتی » بنم ایله تورغودن بشقه
 عمومک سعادتنی آرزو ایدن یوق سوزیله اکتفا ایدوب ابراز
 منانت و ثباته جسارت ایده مدی .

« تورغونک » اجراسه متشبت اولوده زادکان و پاپاس
 واصناف طاقنی حتی هالی بی علیه قیام ایتدیرن تصور اتک
 نقاط اساسیه سی اشته بونلردر .

برنجیسی انغاریه نك بدل نقدی به تحویلی ایکنجیسی
 ژوراند و متریس اصولنک لغویه سربستی مساعینک حصولی
 اوچجیسی تخم تجارتنی مشکلاته دوشورن نظامانک الغای
 دردنجیسی « اوفیس » ك (*) لغوی بشنجیسی « پوواسی
 صندیغنک » (**) رفعی اشو اساسلرک موقع اجرا به قونلمی

(*) مقالات محررلی و محضرق کبی و ظائفک طرف حکومتدن
 فروختی

(**) پارس جوارنده بر محل اولوب پارسده ذبح و صرف اولنه جق
 حیوانات مطلق اولجه اورایه کیدر و قصابلر اورادن مایعه ایدرلردی
 و اوسندیغه رسم اعطاسی مجبوری ایدی .

ضممنده وقوع بولان اعلان رسمی تاریخندن اعتباراً هر طرفدن
تورغوڭك عليه قیام اولنه رق طعن و اعتراض بر درجه یه
واررکه قرال دخی موئی الیهدن بوز چویرمکه مجبور اولور.
بیچاره بونك اوزرینه بالضروره ایشدن کف ید ابله کوشه
انزوایه چکیلرک الافرانعه ۱۷۸۱ ده ارتحال ایدر.

« وولتر » ۱۷۷۸ تاریخنده پارسه کلدیکنده « تورغو » یی
کورمک اوزره عزلتخانه سنه کیدوب « سمادت عمومیه نك
برآنی یازان او قیتملی الیکزی او پدیم » دیه موئی الیهی
مسرت تقدیره دوشورمشدر .

فرانسه ده « فیزیوگراسی » افکارینک اصول حاضره علیه
اجرای تأثیره چالشدیغی ائاده انکلتزه ده موجودومؤسس
اولان « علم ثروت » قواعد مرعیه سنی ر نوع « پروتستو »
طرزنده « ادم اسمت » ک اصول علم ثروتی باش کوسترمشدر .
« ادم اسمت » ۱۷۲۳ سنه سی حزیرانک بشنده
« اسقوچیا » کوچک شهرلرندن « قیرقالدای » ده طوغمشدر
چوجقلغنده وجودی نقدر ضعیف ایسه حافظه سیده او قدر
قوی اولدیغندن براوقودیغنی بردها اونوتمز ایمش . تحصیل
ابتدائیسنی مسقط رأسی اولان مذکور « قیرقالدای » شهرنده
اکمال ودیگر شهرلر مکاتب عالییه سنده دخی فنون متنوعه ده
اظهار کمال ایده جک درجه ده معلومات عمیقہ استحصالی
ایدرك ۱۷۵۰ تاریخنده « غلاسقوو » دارالفنوننه

اول امرده منطق خواجه لکيله قبول صکره فلسفه و اخلاق
تدریسه مأمور ایدلشدرد. مومی الیه بو مکتبه اون اوچ سنه
تدریسه دوام ایدوب علویت فکریه و قدرت کمالیه سنی هر کسه
تسلیم ایتدیرمک شرف عظیمه نائل اولدقدنصکره ۱۷۶۵ده
پارسه کلوب کلیات فنون هیئتیه مناسبت حاصل ایتشدرد.
مومی الیهک فکر و بضاعه سی نقدر عالی ایسه طرز
افاده سیده لسان عوام قدر ساده ایمش.

« ادم اسمت » پارسه بولندیغی هنکامده دو قنور « که فی »
و « تورغو » ایله ده الفت حاصل ایتش و « تورغو » نک
فوق العاده حرمت و محبتنی قزانشدرد.

تحف تصادفدر که ایکسینکده زمان طفولیتده خاندانلرینه
قارشو بولندقلری حال و موقع تمامیه بربرینه موافق یوقاریده
ذکری سبقت ایتدیکی وجهله « تورغو » نصل اولجه رهبان
صنغه داخل اولوب مؤخرأ فاملیاسنک مخالفنه قارشو ابراز
متانله تبدیل طریقه موفق اولمش ایسه « ادم اسمت » دخ
هینی بو صورتله ابتدا سلوک ایتدیکی مسلك رهبانیتی خانداننک
ممانعت قطعیه سنه باقیه رق بالاخره ترك و تبدیل ایتشدرد.

« ادم اسمت » « فیروغرات » لر حقنده او قدر محبت پیدا
ایتشیدی که ثروت ملل اوزرینه تألیف ایتش اولدیغی اثر
حالیسنی « که فی » نامده هدیه اوله رق نشر تصورنده ایدی.

اگر « که‌نی » ك وفاتی وقوعه کلیه ایدی بو تصورک
اجراسی شبهه سز ایدی.

اشبو اثر « که‌نی » ك وفاتندن یدی سنه صکره نشر
اولمش و « فیزیوگراسی » نك خطیئانی پك کوزل ظاهره
چیقارتمشدر.

« ادم اسمت » ذکر اولنان اثر مشهوری طبع ونشر
ایتد کدنصکره « اسقوجیا » كرك قومیسرلکنه تعیین اولنه رق
وفاته دکین او خدمتله اشتغال ایتمشدر.

۱۷۹۱ تاریخنده وقوعه کلان فرانسه انقلاباتندنصکره
فرانسه نك شکل واجتماعی صورت آخره انفراغ ایتمش و واقعا
« قورپوراسیون » لر و برطاق امتیازات خصوصیه لر اورته دن
قالقه رق سربستی افراد میدانه کلمش ایدیه ده رقابت غیر
محدوده یه دخی برقبو آچلمش اولدیغندن ضعیفك منفعتی
قوینك کنه قارشو محو اولوب کتمکه باشلامشدی. نظراً
نافع کوریلان برچوق شیرك اثنای تطبیتمده خیالندن عبارت
قالدیغی چوق کره لر کورلمشدر. اشته بو قبیلدن
اولمق اوزره فرانسه ده اوتاریخده موازنه عمومیه یی تأسیس
نیتله ایدیلان اجرا آتک تأثیری معکوس ظهور ایتسندن
طولایی علم ثووجه ینه تحریات فکریه احتیاج مس ایتمش.
واشته بوصره ده « حسیات انصافکاری » تعبیر اولنان

مسلک صاحبی «سیس موندی» ایله «دیروز» علم ثروت
ماننده عرض وجود ایتشدر.

«سیس موندی» ۱۷۷۳ تاریخده اسویچرده دنیا
کیشدر. پدری اصحاب ثروتدن ایکن ثروتک قسم اعظمی
فرانسه استقراضه داخل ایتدیکندن اختلاک ظهوری انک
ضیاعنی انتاج ایتکله پریشانیء حاله دوشمشدر.

اشبو مصیبت واقعه اوزرینه «سیس موندی» نک
پدری ارتق اسویچرده اقات ایده ماملکه اوغلنی مستحجاً
سیاحته چیقمش وانکلتره وایتالیاده برمدت اکند کدنصره
ینه اسویچریه عودت ایتشدر که اشته بو ائنده «سیس
موندی» علم ثروتجه تحریات ذهنیه ایتدار ایتشدر.

مومی الیهک «جدول طوسقان» عنوانلی برنجی اثری
۱۸۰۱ ده و ثروت تجاریه متعلق ایکنجی تألیفی دخی
اوتاریخندن براز صکره نشر اولمشدر.

«سیس موندی» اشبو اثرلرنده برمسلاک جدیده سالاک
اولیوب «ادم اسمت» ک اثرینه اقتفا ایتشدر مومی الیهک
بو اثرلی شهرتی اوروپانک هر طرفنه ایصال ایلدیکندن
روسیه ایمپراطوری جانبندن بیله «ویلنا» نهری دارالقوننه
دعوت اولمشدر.

«سیس موندی» ایکنجی دفعه اوله رق لوندره
وقوعبولان عزیزمنده انکلتره نک صنایعجه اولان قدرت

جسمیه سی ذهننه چارمقله برابر اونسبتنده بر فقر و مضایقه یه ده
تصادف ایندیکنندن محاکمات فکریه سنی کلیاً بوجهته عطف
و حصر ایله مضایقه مشهوره نك آلات مخترعه دن منبعث
اولدیغنه حکم ایدوب بونقطه بی هدف اعتراض ایشدر.

اعتراضاتنك برنجی نقطه سی « بازوی انسانك یرینه قائم
اولان ماکنه لر اجرته تندیسنی موجب اولمقله عمله کروهنی
آج و بعلاج براقشدر » ایکنجیسی « انکاتر ده محصولاتك
مراکز عظیمه سنده کی ترتیبات صناعیه متمادیاً زنکینك ثروتنی
وقیرك فقرینی تزیید ایتکده در ». اوچنجیسی « ماکنه
واسطه سیله زراعت جسمیه نك ترقیسی محصولاتك تنزل قیمتی
موجب اولوب کوچك اراضی اصحابنده رقابته اقتدار
براقمقله بونلری عمله اولقی ضرورتنه دوشورمکده در »

شوا اعتراضات ثلثه نك خلاصه معناسی انکاتر ده
کوریلان فقر و مضایقه نك سبب مستقلى اوراده صنایعجه
موجود اولان سربستی رقابت اصولی اولدیغنی بیاندن
عبارتدر.

مومی الیه اثار ترقیدن معدود اولان ماکنه اختراعاتنك
اشته بوصورتله مضرتنی ادعاده دوام ایدرك ۱۸۴۰ تاریخنده
وفات ایتمش و تاریخجه اولان همتی دهها مقبول اولدیغندن
علم ثروت عالم لکندن زیاده مورخ اوله رق طانمشدر.

« سیس موندی » نك اثرینه اقتنا ایدن « ژوژف دروز »

۱۷۷۳ ده فرانسه ده دنیاه کلوب اول امرده مأمورین عدلیه
عدادینه داخل اولمش ایسه ده ۱۷۹۲ تاریخنده کوریلان
مجبوریه مبنی کوکلی عسکر زمره سنه التحاق وارقداشلرینک
انتخابیه یوزباشلیق مرتبه سنه ارتقا ایتشدرد.

بو ذات بر مدت خدمات عسکریه ده بولندقدن صکره
« لیون » شهری مکتب مرکزیه سنده خواجه لک وظیفه سنه
بر مدت صکره ده انجمن فنون اعضا لغنه انتخاب اولمشدر.

مومی الیهک علم ثروته متعلق تألیقاتی میاننده اربابی عندنده
مقبول اولان صنایعجه اتخاذ اولنان سربستی اصولنک
علیهنده کی اثریدر. اشبو اثر برنجی ناپولیونکده افکارینه
موافق اولدیغی جهتله مظهر تحسینی اولمشدر.

مومی الیهک ۱۸۵۰ تاریخنده وقوع وفاتیه برابر اشبو
مسلك دخی ختام بولمش ویرینه اجتهاد اسلافی کلیاً رد ایتماکه
برابر « ادم اسمت » لک طریقنه انسلاکک لزومنی کوسترن
بوکونکی مسلكک مؤسسلری « ژان باتیست سی » « روسی »
« دونواییه » « فره دریق باستیا » ساحه علم ثروته سرفراز
اولمشدر.

« ژان باتیست سه » فرانسه نك مشهور لیون شهرنده ۱۷۶۷
تاریخنده دنیاه کلمشدر. بر مدت تجارتله اشتغال ایتدکدن
صکره « قلاویر » نامنده بر شخصک تحت اداره سنده بولنان
بر امنیت قومپایه سنک خدمته قبول اولنور. بودیرکتور

« قلاویر » ك كتبخانه سنده بولنان « ادم اسمت » ك مشهور علم ثروته دائر اولان اثری بر کون « ژان باتیست سه » ك نظر دقتنه تصادف ایتمکله اشته او کوندن صکره بونقطه یه حصر افکار ایله محصول مطالعه سنی ابتدا « دو قاد » نام غزته ایله ۱۷۹۳ نیساننک یکریمی طعوزنجی کونی انظار عمومه ارأه و بونکله نظرا صاحب دانشی جلبه موفق اولدیغی کبی ۱۷۸۹ تاریخنده نشر ایتدیکی علم ثروته دائر بر تألیفیه ده نامنی عالم معرفنده ادامه ایتمشدر .

مومی الیه اظهار ایلدیکی علم و عرفانیله ارباب حکومتی وجودندن استفاده آرزو سنه دوشور دیکندن بر قاچ مهم ایشلرده بولندیرلش ایسه ده طریق تجارتی باب حکومته ترجیح ایتدیکندن امور سیاسییه دن کف ید ایله تجارتیه باشلایه رق پارسی ترك ایتمش و بر خیلی ثروت پیدا ایدرك عودتله « فرانسه مکتبی » نامیله معروف اولان مکتبده تدریسه ایتدار و عمری رسیده حد ختام اوله رق او تاریخده عالم بقایه انتقال ایتلشدر .

مومی الیهك وفانیله منحل اولان خواجه لك خدمتی « روسی » یه تفویض قلمشدر .

« روسی » ایتالیا ممالکندن اولان « تارار » شهرنده طوغمشدر . اول امرده او وقتلقله امرار وقت ایتمکده ایکن پولتیقه ایشلرندن طولایی تحت ظنه النمسنه مبنی ترك وطنله

اسویچره یه التجا ایدر . قدرت علیه سی سایه سنده اسویچره ده کسب نفوذ واشتهار ایدرک پک مهم ایشلرده بولنش وحتی کورمش اولدیغی رغبت وحرمت ترك تابعیتله اسویچره لی اولسنی ده انتاج ایتشدرد .

« روسی » نك اسویچره دارالفنوننده علم حقوق تدریس ایتیمی و ۱۸۷۲ تاریخنده حقوق جزایه دائر نشریاته قیام ایتسیله معلومات قانونیه سنك دخی بالا بدرجده ده اولدیغی کوسترمشدر

« ژان پانیست سه » يك وفاقی ائنده اسویچره ده دخی پولتیقه قاریشقلغی ظهور ایتسنه مینی « روسی » مکتب مذکورده « ژان پانیست سه » خلف اولمق اوزره وقوع بولان دعوتی بالقبول کلوب تدریسه باشلامشدر .

مومی الیه ۱۸۴۰ تاریخنده دکین ذکر اولنان مکتبده تدریس علم ثروثله مشغول اولوب اندن صکره فرانسه تابعیتنه دخالتله پک چوق خدمتلرده بولنش حتی فرانسه طرفندن ایتالیا یه سفیر بیله اولمشدر .

بوذاتک کمال ودرایت فوق العاده سی هرکیتدیکی یرده کسب نفوذ و قدرت ایتسنه باعث اولدیغی کبی روماده سفیر بولندیغی ائنده دخی پک چوق نفوذ وحثیت پیدا ایتسنی استلزام ایتش اولدیغندن پاپا اون التجی « غراغوار » ک حین وفاتنده ایشته اونفوذ سایه سنده طقوزنجی « پی » ک

پایانغه انتخابه موفق اولمغله خدمت واقعه سنه مكافاة « پی »
جانبندن باش وکیل تعیین اولنهرق فرانسه سفیر لکنی ترك
ایتمش و ۱۸۴۸ ده مقتولا وفات ایشدر .

بودانك علم ثروته دائر اولان تألیفاتى « ادم اسمت » ك
مکمل اصولی اولق اوزره ایکی یه منقسمدر . قسم اول
« علم ثروت » ك ساده قواعد مخصوصه سندن تأییدیه صورت
تطبیق واجراسندن بحث ایدر .

« دونوای یه » ۱۷۸۶ تاریخنده فرانسه ده تولد ایدوب
اولا غزته محرر لکیله عالم نشریایده اثبات وجود ایتمش
صکره لریده حکومت ایشلرنده بولنمشدر .

علم ثروته دائر اولان « سربستی اعمال » عنوانلی اثری
قوت کالنه دلالت ایتمله انجمن فنون اعضالغنه انتخاب
اولنهرق ۱۸۶۲ سنه سی وفات ایتمشدر .

« فره دربق باسیتا » ۱۰۸۱ تاریخنده فرانسه شهرلرندن
« یاریون » ده طوغمشدر .

مشار الیه اول امرده صنف حکامه کیره رك مملکتك
حاکم صلحی اولمش وبر مدت بو وظیفه ده بولندقدن صکره
مبعوث انتخاب قلمشدر .

۱۸۴۲ سنه سی علم ثروته دائر وضع موقع انتشار ایلدیکی
اثری حقیقة دقائق مهمه علیه یی شامل اولدیغندن کندوسنی
شرف ابقای نامه نائل ایتمشدر .

« باستیا » سربستی مبادلاتک وجوب وجودینی ناقابل
تردد کورمکله بو اصولک انتشاری ضمننده پارسده پکچوق
خطبه لر اجرا ایتمش ایسه ده او زمانک افکاری هنوز
بو جهته مائل ومتوجه اولدیغندن ومومی الیهک لسانی قلنک
حائز اولدیغی اقتدارک اونده برینه بيله مالک بولمیدیغندن
توضیحات شفاهیه سنک او صروده تاثیر کوريله مامشدر .
مطالعات علیه سنک علویت واصابتنی اظهار ایدن اثار
جليله سی میانده « کوریلان و کورلیان شی » عنوانلی اثری
بشقه جه تقدیره سزادر . حیف که وقوع وفاتی مانع اتمام
اولشدر . ارتحالنک تاریخی ۱۸۵۰ محلی ایسه تبدیل هوا
ضمننده کتمش اولدیغی روما شهریدر .

— علم ثروت —

معتز — علم ثروت به فائده نيه ديرلر ؟
 مجيب — ساقز اوخانس افندی حضرتلرنيك كتابني
 او قومديكزمي ؟

م اوت او قومدم .

ج اوله ايسه بو سؤالك جوابني كورمش سكرذر .
 م بو سؤالك جوابني دكل بشقه بر تعريف كوردم كه
 بنجه نفس الامر به بالوجوه مغاير .
 ج نره سي ؟

م سويليه يم . اوخانس افندی حضرتلري فائده يي
 حوايج بشريه يي ايفا صلاحيتندن عبارت كوستريور . مثال
 اوله رقه ده بغدايك و اتمك فائده سي انساني طويورمق
 و چوقه نك و البسه نك فائده سيده وجودي اورتمك اولديغني
 درميان ايديور . بو حالده زمانمك اختراعاتندن اولان
 و ازاله وجود بشره تخصيص ايديلان ادوات حرييه يه نه
 ديه جكر ؟ مثلا ايكنه لي تفنك فائده سي يارم ساعت ظرفنده
 شو قدر انسان تلف ايده بيلسي و طور پيلارك فائده سي دفعه

برکمی بی غرق ائلسی میدر دینیله جک ؟ یوقسه بونلرک مضراتی
درکار اولدبغی ایچون او تعریفات داخلنه کیره میه جکیمی
درمیان اولنه جق ؟ او صورتده بو ادواتک بر پاره ایتماسی
لازم کلزمی ؟ حال بوکه بو اغـورده صرف ایدیلان وهنوز
ایدلمکده اولان مبالعک کایتی درکار .

ج شو افاده کردن ا کلاشیلیورکه سز فائده لفظندن
مضرتک ضدی اولان منفعت معناسنی مراد ایدیورسکز
لسان علم ثروتجه بو لفظک معناسی بسبتون بشقه در . بو
لسانده فائده دینلدیکی تقدیرده ماده و یا خود معناً بر ابواتک
تصوری لازم کلز . انجق بر شینه قوللانیله ییلور اولق صلاحیتی
ا کلاشلیلدر . مثلاً مجوهراتک نه مـاـة و نـدـه معناً بر نفعی
اولدبغی آشکاردر . واقعا ارباب محاکمه دن بمضیلری
مجوهرات و سائر مواد تزینیه نک طبیعت بشرده مرکوز اولان
میل اظهار احتشامه خدمت ایتدیکی ایچون نفع معنویسنی ادعا
ایتمشله ايسه ده عقول سلیمه بونی بر وقتده تسلیم ایده مز .
میلان طبیعیه نک علی الاطلاق مقتضیائی ایفاده نفع تصوری
لابد ايسه تربیه اجتماعیه نک اصلاح ایدیکی بر طاقم مضر
و وحشی میلارک دخی مشروعیتنی تصدیق ایتک اقتضا ایدر
بوندن بشقه او یله بر طاقم طاشلری بیکلرجه التونلرله بالمبادله
چکمیجده لده حفظ ایله او سرمایه یی استفاده صلاحیتندن
محروم ایدرک ثمره سز بر احق علم ثروت نقطه نظر نجه بروجله

تجویز اولمز . بناء عليه مجر هراتك فائدهسى سوس صاتمقدر
دينلديكى حالده بوراده فائده دن مقصد سوس صاتمقى
خصوصنه يرامق ديمك اولديغى البته ظاهر اولور .

م پكى اما ارباب علم ثروتدن اكثر يسنك على الخصوص
كتابندن بحث اولنان اوخانس افندى حضرتلرينك افاده لرى
اصلا بومعنايى اشراب ايتيور .

ج نيچون ؟

م اوخانس افندى حضرتلرينك تعريفى باقك اكلاديغ
كبي دكلى ؟ « اشته بر شيك خوايج بشريه يى ايفايه صلاحيته
فائده دينيلور بغداديك و اتمكك فائدهسى انسانى طوبورمق
چوقه نك و البسه نك فائدهسى وجودمى اورتكم و صغوقدن
محافظه ايتى بر كتابك فائدهسى بر علم و يار فن تحصيلنه مدار اولمق
اتمك و البسه و كتاب انسانك مادي و معنوى آمال و احتياجاتدن
برينك استيفاسنه مدار اولديغى ايچون فائده ليدر « شمى
شو تعريفدن فائده نك عادتاً معنای لغوي سندن بشقه بر معنايه
دلالت ايتديكى موضحاً ميدانه چيغه ورمى ؟

ج خير .

م نصل خير . آمال و احتياجاتك استيفاسنه مدار
اولمقده نفكك وجودى ضرورى دكليدر ؟

ج نيچون اولسون ؟ احتياجات و آمالك على العموم

نافع و مشروع اولدیغی تسلیم اولنورسه دیدیکیز ضرورته
او وقت محل قالور.

م عجایب! آمالک اوله یلور اما احتیاجاتنه مضری
وارد دینله یلورمی؟

ج نه شبهه. احتیاجاتک دأره سی کوندن کونه توسع
ایتمکده و پک چوق مضرو غیر نافع شیلر اودأره یه کیرمکده در
ازان بجه توتون هانکی مملکت نصل مملکت هانکی خانه
وارد که انده توتون صرف اولنسون؟ ملل متمدنه تک اکثریت
اوزره بوکا اولان ابتلاسی بر درجه یه وارمشددر که بر کون
یمک یمه دن طور یایورده بر قاج ساعت توتون سزلکه صبر
اولنمور. اگر مطالعه کز وجهله فائده دن مقصد مطلق نفع
اوله ایدی توتونک طباً درکار اولان مضرتیه و یا خود دومان
اولوب هوا یه کتمسندن طولای آشکار اولان مفعتمسزلکنه مبنی
قیمتی اولماسی لازم کلوردی. حال بوکه اعلاسنک قیده سی
اوج درت ایرایه صانلدیغی کور یایور. سز احتیاجاتی
یالکزیه جک ایچه جک کینه جک بارینه جق شیلر کی لوازم
معدوده دن عبارت می ظن ایدیورسکیز؟ بو دأره ظهورینی
ادمندن برو توسع ایتمکده در. کورم یورمسکیز که بر فقیر آدم
کسب ثروت ایتمکده باشلارسه ثروتک تزايدی نسبتنده
احتیاجاتیده ترقی ایدیور. مثلا البسه سی برقات ایسه بر قاج
قات بش اون قات حاصلی قات قات اولیور. وجودینی قیشک

صغوقدن یازین صیجاقدن محافظه یه مدار اوله جق صورتده
ایکی قائله اکتفا ایدیور. بر ویا ایکی اوطله لی خانه ده
اوتورمه الشمس ایکن جسم ومنتظم برقوناق تدارکنی
ضروری کوربور. کیده رک یعنی ثرونی آرتدقجه یالی ویا
کوشک کنی صیفیه یه دخی کندیسجه، احتیاج قطعی مس
ایدیور. پیزاتمک ویاخود بر درلو صیجا قیملکه قارنی
طیورمغی اعتیاد ایدنمش ایکن بر قاج ویا بش اون درلویکی
وهر نوبت میوه بی وبلکه موسمک غیری غالی فیئانی میوه لری
سفره سنده بولندیرمغی احتیاجات قطعیه دن عد ایدیور.
حاصلی دهانجه نیجه شیلره کندیسنی محتاج کوربور.

م بو دیدیکز شیلره بن عاداتا سفاهت ویاخود اسراف
دیه یلورم. اکر بو مثالو صرفیاته احتیاج نامی ویریلور
ایسه حقنده سفیه ویاخود مسرف تعبیرینی استعماله دنیاده
هیچ بر فرد تصور اولنه مز. بر آدمک بش اون قات
ایسه یه کندینی محتاج کورمی یکننده او درجه کافت
اختیار ایتمی قوناغی وار ایکن صیفیه نامیه یالی باغ ویا
کوشک تدارکنه قالقشمی ندن ضروریاتدن عد اولسون ؟
بونلر دوزجه می ثروتدن متولد بر طاق آثار سفاهتدر.

ج بو ختمو صد پک یا کلش بر مطالعه ده بوانیورسکز
یوقاریده سویلدیکم کبی اکر سزا احتیاجاتی لوازم معدوده دن
عبارت کوربورسه کز انسانلری علی العموم حال وحشیته

تصور ایتکز لازم کاور. زیرا تمدن کلباً بونک عکسنی یعنی
 دائره احتیاجاتک توسیعی مستلزمدر. اثبات مدعا ایچون
 اوزون اوزادی به تحری ادلهیه لزوم کورم سزه مختصر
 و کورینور بر مثال ایراد ایدهیم بونک اوزرینه افاده می تسلیم
 ایدرسکزن ایدرم. بری شهرده دیکری کویده مقیم اولوق
 اوزره بر درجهده زنکین ایکی آدم تصور ایدیکز. عجبا
 بونلرک احتیاجاتی مساوی میدر امید ایدرم که کویلینک کنه
 نسبتله شهرلینک کینک قات قات زیاده اولدیغی تصدیق پوریلور.
 اکر کویلی اوروپا کویلیرلندن ایسه شهرلرده کی تمیز کورنمک
 لزوم عومیسنه قارشو هر کون بر بلکه کونده ایکی کوملک
 کیمک والدیون دکشدیرمک واسکی کورنملمک ضمننده صیق
 صیق تبدیل ایتک ایچون مشهور ترزیرله بهالی بهالی یاپدیرلمش
 قات قات البسه بولندیرمق مجبوریتنده بولنمیب بر کوملکی
 ایکی اوچ کون کیه ییلور. والدیون ایسه بازاردن بشقه
 کونلرده طاقیه یاور. وبر کوی ترزینسک اوجوزجه یامش
 اولدیغی بر ایکی قات البسه ایله ده عادی قیافلی کویلیرله
 قارشو اکتفا ایتماکه محل کورمز. اکثری کویلر شهرلر
 کبی اسباب وخامندن اولان ازدخامده دوچار بولندقرلندن
 و صورت معیشتلری ایسه اکثریت اوزره شهرلیردن سالم
 اولدیغندن تبدیل هوایه ده احتیاج کورمزله. کورسه لرده
 کویلری داخلنده بالطبع صیفیه ایچون آیری محالر

اوله میه جفندن دیگر بر کویه موقتاً عزیمتله اوله ایکی خانه یه مالک اولق مجبور بئنده بولمزلر. اشته او کویلی بولر کبی ده بر چوق قیود لوازمین وارسته اولدیغندن انک احتیاجاتی شهرلینک کنه نسبتله پک محدوددر. اگر کویلی بزم کویلیلردن ایسه احتیاجاتی همان دیدیککز درجه ده^۱ لوازم معدوده دن عبارت اوله جفندن شهرلینک کنه نسبتله یوق کبیدر. بوندن استدلال اولنور که احتیاجات مدنیه تابعدر. مدنیت ترقی ایتدیکجه اوده تنوع و تکثر ایدر. چونکه هر کس احتیاجاتنی منسوب اولدیغی قومک و بولندیغی شهرک و حتی داخل اولدیغی صنفک یعنی مرتبه مدینه سنک طرز و صورت معیشتنه توفیقاً تحدید و تکثیر ایتک مجبور یئنده در. مثلاً افریقا و حبشیلرینک موزیات و یاخود سائر حیواناتدن یاخود نباتاتدن اولق اوزره بر یاخود ایکی درلو طعامدن محروم قالمیغی و صیرتی بونجقلی بر پوست ایله اورتنه ییلکی رفاه و سعادتک انک نهایت مرتبه سی عد ایتدکلی کبی متمدن بر قوم دخی بو حال منتهای مذلت و مصیبت کورر. بر کویلینک بغدادی بولغور و بولر مثللو بر سنه لک مأکولاتنی در انبار ایده ییلسی و وجودینی ستر ایده ییله جک صورتده لباسه مالک اولسی و هفته ده بر ایکی دفعه ات ییه ییلسی بختیارلق صایا و رایسه بر شهرلی ایچون بو درجه محدودیت مضایقه دن معدوددر. اصنافدن و یاخود مأموریندن فقیرجه بر آدمک آیده اوچ بش یوز غروش مصرفی او مرتبه ده بولسانلره

صرفیات کافیه دن کوریلور ایسه مافوق واکا بر ایچون
بو مقدار هیچ حکمنده طوتیلور. حاصلی احتیاجات حال
وزمان و ترقیه مربوط اولدیغندن نه شودر بودر دیه تحدید
ایدیلور نه ده کافه سی مشروع و مقبولدر دینیه بیلور.

م اوت بو مقایسه کز قابل انکار دکل انجق احتیاجاتک
بو درجه تزاید و تنوعی نظر مطالعه یه الندیغی تقدیرده
نروته دخی شوندن عبارتدر دینیه میه جک.

« ثروت »

ج تجاربه مستند اولان فنونک پک چوق مسائلی
وسائط علیه ایله حقیقه اقرار اولند قجه مشهود اولان بطلان
و نقصانی نسبتنده کایاً و یا خود قسماً ^{تخجیح} و تعدیل اولندیغی
کبی تعریفات علیه دخی او نسبتده شمول جه ضیق وسعت
کسب ایتکده در. مثلاً قدیمده حکمت دنیلدیکی حالده
بو تمیردن علم حکمت وکیا و هیئت و سائر مراد اولنور مش
شمدی ایسه بونلرک هر بری بشقه بشقه موضوع و غایتی حاوی
آیری علم اولدیغی متحقق بولندیغندن حکمت تعبیرندن ذهنه
وارد اولان معنی اجسامده واقع اولان ظهورات موقته
ایله انلرک قوانینندن بحث ایدن بر علم مخصوصدر. ثروت
لفظی دخی بونک عکسی اوله رق یعنی اول یالکز اموال
متراکمه شامل اولدیغی حالده شمدی پک چوق شیرد شمولی
کوریلور.

م لکن علم ثروت علماسندن بعضیلری افاده کزک
عکسینی ادعا و التزام ایدیورلر . مثلاً ثروتی عادتاً نقود
و عقاردن عبارت کوریورلر .

ج معلومکز اولق کر کدر که طبایع مختلفه بشرک
آثارندن اولق اوزره خصوصات سائرده اولدیغی کبی
فنون تجاریده دخی اختلاف آرا هر وقت موجوددر اوت
پک طوغری ارباب علمدن بعضیلری بو دعواده بولنمشلردر
بر طاقم لیده خلافتی التزام ایدرک ثروتی مادی و معنوی دیه
ایکی یه مادی بی ده طبیعی و عارضی دیه کذلک ایکی یه که جمأ
درده تقسیم ایتمشلردر . ثروت مادی بی تعداده لزوم یوق
چونکه معلومدر . قیمت و فائده بی حائز اولان اشیا . ثروت
معنوی یه کلنجه قوه فکریه و علمیه و یا خیالیسه کبی سرمایئه
غیر مادیه دن عبارت اولان شیلردر . بونلری ثروت عد ایدنلر
دیورلر که مثلاً نقود . اراضی . عقاردن اصحابی نصل
مستفید اولیورسه بر طبییده مکتسب اولدیغی علم طبابتدن
و بر شاعر مالک بولندیغی فکر و خیالندن اوله جه مستفید
اولمغدهدر . مادام که هر ایکیسندن ده استفاده نتیجه سی
متحصلددر . یکدیگرندن آیرمق موافق نفس الامر دکلدر .
کلهلم ثروت مادیه نك انقسامنه !! برنجیسی یعنی طبیعیسی
اورمان و معدن و نهرلر کبی حصولی طبیعی اولان منبعلردر که
بونلردن ایدیلان استفاده لر درکاردر . حتی ارباب علمدن

بعضی‌ری دکزلی بیله بو قسمدن عد ایدیورلر ایکنجیسی
یعنی عارضیسی قیمت وفائده‌یی حائز اولق اوزره سعی بشرله
حصول بولان شیردر.

م بو تقسیمات بنجه‌ده موافق مصلحت کور یلوب
انجق ذهنی قارشیدیران بوجهت اولیه‌وب علم ثروتک
اخلاق ایله تعلق اولوب اولدیغی مسئله‌سی اولدیغندن
بو خصوصده کی مطالعه کزی ا کلامق استرم.

ج علم روت بروجه‌له اخلاقدن آریله‌مز. ا کر
انفکاکی تصور اولنورسه بلاقید و شرط تحصیل امواله
مساغ کوسترلش اوله جفندن غدارلق و یا خود طالق و قلق
و طولاندریجیلق ویلانجیلق ودها بوکی اخلاقسنلق سایه‌سنده
کسب ثروتی علم ثروتک دائره مأذونیتنده کور مامزلزم کلور که
معاذالله تعالی بوندن تولدایدیجک نتیجه خرابیت اولدیغندن
غایتی معمور بته واران علم ثروته بالوجوه مخالفدر.

م سزاویله ایدسه علم اخلاقی علم ثروتک بر قسمندن عد
ایدیورسکز.

ج خیر بلکه علم روتی علم اخلاق بر فرعی کور بیورم.
چونکه سعادت بشریه‌ده اصل اولان اخلاقدر. آنسز
هیچ برشی پایدار اولمز که حتی علم ثروتک تصور وجودینه
امکان قالسون !!

م بن اخلاق ایله علم ثروت بیننده سویلدیکنکزکی

بر رابطه قویه کوره میورم . زیرا اسباب تحصیل ثروتدن
معه بود او یله شیلر وار که بونلری دائرة اخلاقه ادخال ممکن
دکل مثلاً ترقیات علمیه وصناعیه سایه سنده برشینک تقلید
ماهیتنه و تحویل شکل ولونه کسب اقتدار ایتمش و مملکتلرنده
علم ثروتک دخی مرعیت احکامی کورلمکده بولنمش اولان ملنلرک
برطاقم مادهلری سود و یاغ و شراب و سائره شکنده قویه رق
صاتمیری و برچوق جورک اجزادن و فقط کور ینشی غایت
نفیس افشه اعمالیه خلقی اضرار ایتلری قاعده اخلاقه
توافق ایدرمی ؟

ج سز بنم یوقاریده کی سوزمی تکرار ایدیورسکز .
بلا قید و شرط تحصیل امواله مساع کوسترمک احکام علم ثروتی
اخلال ایتمکدر دیدیکم بو کبی فسادلر ایچون دکلیدر ؟ سز
بونلری نه دن اسباب ثروتدن عدایدیورسکز ؟ بحثمز تحصیل
ثروت و سامان ضمننده شونک بونک قبول و استعمال ایتدیکی
وسائط غیر مشروعیه عائد اولمیوب منحصرأ حقایق علم ثروته
متعلقدر .

م خیر ! مقصدم شونک بونک تحصیل ثروته روا
کور دیکی وسائطدن بحث ایتک دکلدرد . بونلری تحت انظارده
بولنان مثاللردن اولمق اوزره درمیان ایدیورم . بو خصوصده
علم ثروت از بابندن بعضیلرینک اقوالینده ایراد ایدیلورم .
از آن جله « پیره » نک مرابحه حقننده کی اشته شوافاده سی

« حق تصرف سائر شیلرده نصل موجود ایسه ایچده ده دخی
 اولیه موجوددر بناء علیه صاحب ایچه ایچه سندن
 موقتاً استفاده خصوصنی بر شخصه ترك ایده جکی صرده
 اسندیکی صورتده مقاوله عقد واجراسنده مختاردر حق
 تصرف ایجابندن اولق اوزره بر شیئك استعمالی و یا خود سوء
 استعمالی متصرفینك ید اختیارنده در بناء علیه سرمایه دارانك
 سرمایه سنی نظامك تعیین ایتدیکی مقدار دن زیاده فائض ایله
 اقراض ایده بیلسنده اخلاقه مغایر برشی کور یله مز »

صیقلمش و بوکالمش بر آدم دن هیچ بروجدان سلیمك قبول
 ائیمه جکی صورتده استفاده یه قالدشمق قاعده اخلاق و انصافه
 توافق ایدرمی ؟ و بویله غیر مشروع استفاده یه مسامح
 کوسه ترن بر علمك یا خود اصولك اخلاق ایله تعلیق تصور
 اولنورمی ؟

ج سزمسئله یی بتون بتون قارشیدیر دیکز . اولابرویا
 بر قاچ ذاتك مطالعه می بر علمك موضوعنی تغیر ایده مز .
 ثانیاً بر ماده نك خلاف اخلاق کورلمسی اکا متعلق
 کوستر یلان علمك دائره اخلاق دن تباعدنی اقتضا ایتمز .
 « پیرره » نك تحصیل ثروت ضمننده هر نوع اسبابك استعمالی
 علم ثروت مقتضاسندن اولدیغی ایچون مراتبه جیلرک معاملات
 رباحیه یی استدکلی کی اجرایه علم مذکور موجب حقه قلمری
 وارد در دیمبور . مراتبه نك منعه حق یوقدر دیور چونکه

بویابده کی ممانعتی حق تصرفه مغایر کور بیور که بو بر بشته مسئله در اشاعیده بالماسبه بحثی کله جکدر عجباً «پیرده» یه تربیه عمومیه مراجحه معامله غدارانه سده ارتق هیچ بر فردی میل ایتدیرم دیکندن بو معامله اورته دن کلیاً قالفدی دنیلسه کندوسنک علمه اولان منسوبیتندن طولابی مطالب علم ثروتدن بری دهها حاصل اولش دیه ممنون اولمیزی ؟ هیچ شبهه ایتم چونکه عکسنی تصور غیر معقول بر سوء ظنندر .

م بوجوابکزی قبول ایدرم . فقط یوقار یده افاده ایلدیکم وجهله علم ثروت علماسندن بعضیلرینک بلکه مشهورلرینک حتی اوخانس افندی حضرتلرینک کتانبده دخی برایکیسنک اممی ذکر اولنمشدر . ثروت ایله اخلاقی آبرملرینه نه دیرسکز ؟ بونلر عجباً سائرلری قدر کو جنمیکز اما حتی سزک قدر اولسون تعمیق حقایقه مقتدرمی دکلدیلر ؟ اویله ایسه ایچلرنده « ادم سمت » کبی علم ثروت عالنده مقتدابه لک شرفنی حائز اولانیده وار بو کانه دبرز ؟

ج اصل بحثه کیرمزدن اول شوراسنی سو یلیه یم که برعالمک و یا خود کمالی اثار یله مثبت اولان برعاقلق بر مسئله ده اصابت ایده مامسی مزیات سائره سنی اخلاص ایده مز . ذاتکز « ادم سمت » کبی اعظم علمای علم ثروتدن اولان بر ذاتک بوم مسئله ده مطالعه سنی قبول ایتیمورم ظن ایتدیککز ایچون انک کمالیله بنم نقصانمی بالموازنه جالب تنجب برجسارت

کستاخانه یه محل براغملش کوریورسکز . حال بوکه حقیقت
 حال تمامیه بوطن و ذهابکزه مغایر در . اولاً بالفرض بنم کبی
 برعاجز و ناقص اولیه بر عالم و کاملک بر مسئله ده کی اجتهادینه
 تعرضه ایتمش اولسه اثبات مدعاسنه دلائل طلب اولنماید .
 یوقسه معترض علیهک بیوکلکی کوچک اولان معترضک
 ادعاسنی استماعه مانع اوله مز . ثانیاً ثروتک اخلاقدن عدم
 انفکاکنی دعوا « ادم است » و امثالنه اعتراض دکدر .
 چونکه علم ثروت ار باندن هیچ بر فرد یوقدر که استحصال
 ثروته هر نوع و سائطی جائز کورسون . زیرا علم ثروتک علت
 غائییه سی اولان آسایشک حصوله و سائط غیر مشروعه
 مواضع قطعیه اولدیغندن علم مذکورک وجودی او و سائطک
 عدمی مستلزمدر علوم و ار باب علوم شویله طورسون
 عقلی باشنده اولان هیچ بر انسان مقصد اصلی
 کسب ثروت و ساماندر . اسباب و وسائط فصل اولور ایسه
 اولسون کبی بر مطالعه مضره و تخریبکارینک بیانیه جسارت
 ایده مز . چونکه او حالده قطاع طریقهرده اصحاب صنعت
 نظریه باقلمسنی تجویز ایتدیکنی افاده ایتمش اولور . او خانس
 افندی حضرتلرینک کتابنده کی بوکا دأر اولان افاداتی
 کوچمیکز اما یا کلش اکلا دیغکز دن ذهنکز قارشمش .

م نهدن یا کلش اکلامشم !! اشته او افاده « ار باب
 علمدن بعضیری ثروتک معناسنی پک ککیش طوته رق معنویات

قبیلندن اولان شیرده ثروت اطلاق ایتشلر ایسه ده اکثر یسینک
 رأینه کوره ثروتی مادهٔ حصوله کلان و تقدیر و مبادله اوله بیلان
 شیرله حصر ایتک قاعدهٔ علیه دهها موافقدر . واقعا
 اومثالو محاسن و فضائل بشریه ترقی مدنیته و ثروت مادیه نك
 تکرینه مدارقوی اولدیغی جهتله ثروتک اسباب اصلیه سندن
 عد اولنه بیلور . لکن بونلر اساساً علم اخلاق و علم حکمت کبی
 علومه متعلق شیردر اگر بونلرک جمله سنه ثروت نامی ویریه جک
 اولسه علم ثروتک کافهٔ علوم ادبیه یی استیعاب ایتسی لازم
 کلور « چون استورات میل » بو بحثده « ادم اسمیت » وینه
 انکلتزه ارباب علمندن « مالتوس » ک رأینی استلزام ایله
 شو یولده بیان مطالعه ایدر . هر کسک معلومیدر که زنکین اولمق
 بشقه شیردر . عالم شجیع فاضل اولمق بشقه شیردر . علوم
 وفنونک شجاعتک وسائر فضائل بشریه نك اسبابی تحری ایتک
 ثروتک اسبابی تحری دیمک اولمدیغنی هر کس تسلیم ایدر .
 بوشیر باینده هیچ مناسبت یوق دیمک دکلدر . حتی بربرینه
 اولان تأثیرلری فعلاً مثبتدر لکن ماهیتلری بسبتون بشقه در
 علم اخلاق اربابی مزایای معنویه ایله اکثفا ایدرک بویوزدن
 انواع تلذذات روحانیه نائل اولان آدمی حقیقهٔ زنکین عد
 ایتسه لر و بونک عکسی اوله رق اغنیادن اولوبده امراض
 جسمانیه دن ویاسوء استعمالاتدن طولای محسنات دنیویه دن
 استفاده مجالی اولمیان آدمه بریکدیرمش اولدیغی خزینه لرک

ایچنده ینه ققیردر دیسه لر بچادر لکن عوام ناس کی علم
ثروت اربابنک دخی نظرند زنیکیک نقود اراضی وعقار و سائر
اوله رق چوق قیمته مالک اولمقدر»

ج بو سوزلرک هانکیسنی ذه ابکزی تقویه مدار
کور یورسکز؟

م هپسنی . علی الخصوص « فضائل بشریه نك
اسبابنی تحری ایتک ثروتک اسبابنی تحری دیمک اولدیغنی
هرکس تسلیم ایدر » بوندن آچیق ده ا نصل عبار
دیورسکز؟

ج واقعا آچیق لکن بحثزه تعلقی یوق . اوت پک
طوغری فضائل بشریه نك اسبابنی تحری ثروتک اسبابنی تحری
دیمک دکلدر . زیرا بونلرک ایکسیده آیری آیری اصللردر .
دعوامز فضائل بشریه دن اولان اخلاق ایله علم ثروت
بیننده مناسبات قویه اولوب اولدیغیدرکه بوجهتی یعنی
اخلاق خلافتده بر علم ثروت تصویری علماً عقلاً تجربهً ممکن
اوله میه جغنی بالاده مختصراً ایراد ایلدیکم مثالرله بر درجه یه
قدر اظهار ایده یلدم ظن ایدرم . انلره قارشو بیان بیوردیغکز
بومقاله هم افاده مک خلافتی مستلزم دکل بلکه مؤید همده انک
موضوع اصلیمی تعریف ثروت اولوب بزا یسه صورت تحصیل
ثروتدن بحث ایدیورز . ثروت بشقه صورت تحصیل ثروت

بشقه اشته ینه تکرار ای دیورم که دنیاده هر نوع سعادت
واسایشک اساسی مکارم اخلاقدر .

آنسز هیچ برشی پایدار اوله مز . استرسه کز سزه بوبابده
علم ثروت اربابندن بعضیلر ینک سوزلر ینی بیان ایده یم
جمله دن بری « ویلیومه » مباحث علم ثروت نام کتابنده دیرکه
« اخلاق علم ثروتک اقسام اساسیه سندندر هر نه که اخلاقه
مغایردر . فائده سی تحقیق ایتسه بیله ارباب علم جانبندن قبول
اولناملیدر » وینه ارباب علمدن « پاسی » دیرکه « علم ثروت
هر نقدر علم اخلاق دیمک دکلسه ده اندن ایرلمز کذلک حقوقدن
دخی چونکه انسان طبعاً مائل اجتماع اولدیغندن وجعیت
مدینه نك اساسی ایه عدالت بولندیغندن علم ثروت لوازم
قطعیه سندندر » ینه ارباب علمدن و انجمن فنون اعضاسندن
« له اونسی دولاورنی یو » دیرکه « علم ثروتک وصایای اکرچه
لایقیله مسموع اولیدی قز انجملری صورت مشروعه ده اولنلرک
کمال زحمتله حاصل ایده بیلدکاری تجارت غیر کافیه لرینه قارشو
احتکار و اویون کبی شیلردن حاصل اولان فوق الحد کارلری
کیم کورردی اصحاب عمل اکثریت اوزره سرمایه دن محروم
بر حالده بولنمقده ایکن کمال محن و مشقتله قزایلان یاقچه لرک
ثمره سز اسرافات ایله ضایع اولوب کتدیکنی کذلک کیم
کورردی « محرریندن « ویقتور بوری » علم ثروت علماسندن
« ادووار » ک اخلاق و علم ثروتک تقویم صغیری عنوانلی

اثر بنی ثنا ایندیکی صرہ دہ دیرکہ « انسانہ قید مضایقہ ددن
تخلیص و سائٹنی و یرن مکارم اخلاق نصیح و پندندہ بولاندر در »
نہ کوزل برسوز ونہ واضح بر حقیقت حاصلی علم ثروتک دائرہ
اخلاق ددن قبل قدر انحراف ایدہ میہ جکنہ دائرہ بونلر منلاو
اقوال و مطالعات اہل و ارباب پک چوق اولدیغنی کبی عقل
سلمیم دخی بونک خلافتی بروجهلہ قبول و تسلیم ایدہ میہ جکندن
یہودہ یرہ بوبادہ تطویل مقالدن ایسہ بشقہ مسئلہ یہ عطف
کلام ایسہ ک دھا مناسب اولور ظن ایدرم .

م واقعا پک طوغری نچہ دہ مقصد بوجہتی راز
استیضاح ایدی یوقسہ خلافتی التزام دکلدن . موافق ایسہ
برازدہ وسائٹ تحصیل ثروتدن بحث ایدلم .

ج پک اسلا

م حصول ثروتہ وسائٹ اساسیہ نہ کبی شیلر در ؟

ج ارباب علمک بوبادہ کی افادات مفصلہ لرینک خلاصہ سی
تحصیل ثروتک وسائٹ اساسیہ سی اوجشی اولدیغنی بیانندن عبارتدر
بونلر دن بری ارض بری عمل بریدہ سرمایہ علم ثروت نقطہ نظر نچہ
ارضک دیگر ایکی واسطہ لر اوزرینہ رجحانی اولوب چونکہ
ارض معدنلر اور مانلر واقار صولر کبی منابع ثروتہ مالک
بولندقدن بشقہ قوہ انباتیہ و استحصالیہ کبی حیوانہ تعلقی
اولان ایکی خصلت جلیلہ یہ دخی نائل بولمشدر . برازنامل
اولنورسہ ظاہرہ چیقارکہ مأ کولات و مشروبات منلاو

خوايچ ضروريه نك استيفاسي ارضه مخصوص اولديغي كبي انسانك قيمت ويره رك ثروته تحويل ايتديكي اشيانك دخي اجزاي اصليه سي باشلوجه ارض سايه سنده وجوده بلكدر در مثلا ادنا برايكنه نك ياپلسي ارضدن چيقان باقر وزنك معدنلرينك وجودينه محتاج اولديغي كبي عالي وغالي قاشلرك نسج و اعمالی دخي پاموق يوك واپيك كبي ارض سايه سنده حصول بولان اجزايه متوقفدر .

م كرم ايدك بوراسني ايواكلايه مدم . پاموق واقعا محصولات ارضيه دندر لكن ايپك ويون ارضدني حاصل اولور؟

ج ارض سايه سنده در ديديكلم اشته بومعنايه جل اولمسون ايچوندر يا! دزد اغاجي اولسه قوزه زره دن حاصل اولوردی که حتی ايپك وجوده كلسون . اوت اولسه قيون وپكي نصل بسلنوردی که يون ميدانه چيقسون ارض اولسه اغاج و اوت نصل بولنوردی که قوزه و قيون وپكي وجود بولسون ؟ و قس على البواقی

م اوت پك طوغري دقت ايده مامشم لكن بو حالده ذكر ايتديكز ديكر ايكي واسطه نك يعنى سعي ايله سرمايه نك حكيمى قالميور كبي كورينور .

ج نيچون قالمسون برشيئك رجحاني ديكرلرينك ازاله حكم واهميتني ايجاب ايتمز . اشته بونجه اسباب فوائدی جامع

اولان ارضدن اگرچه سعی و سرمایه اولزسه هیچ برشی استفاده اولنه مز • حتی ارباب علمدن « هازی غبره وه » سعیدن بحث ایتدیکی صره ده دیرکه « اناجده صاللان خدای نابت میوه لر مالدن عداو لئق ایچون اول امرده طولانلیدر » حالده سعی و اقدامسز هیچ برشی اوله مز • اگرچه یالکز ارضک قرتی کافی اولیدی منابع کثیره یه مالک اولان قطعانده مسکون اقوام غیر متمدنه ده اثار ثروتک مشهود اولسی لازم کلوردی • ینه مو می الیه « هازی غبره وه » درکه « امریقای شمالی زنکین بر قطعه ایکن یعنی منبت اراضی بر چوق معادن واورمان و بالقله مملو نهرلری حاصلی کانه مواد مطلوبه بی حاوی اولدیغی حالده اهالیسی چالئق ایچون لزومی اولان معلومات و اقدامدن محروم اولق حسیه بیکرجه سنه فقر و مضایقه ایچنده یشامش لردر • ذکر ی کچن « پیره » دخی بو بحثده دیورکه « انسان عقل و زکاسی سایه سنده اطرافنی اخاطه ایدن حیواناتک فوقنده اولغله برابر اوده انلر کی شرائط سعی و عمله تابعدر »

ثروت عمومیه اوزرینه سعیک تأثیری بر درجه درکه ملل مختلفه میانها کی عمله لک احوال خصوصیه لرینی بیله ارباب علم نظر اهمیتدن دور طوته مشدر • حتی ینه « پیره » بو بحثده انکلیز عمله لر ینک یوب و ایچملری فرانسه عمله لرندن

زیاده قواعد مخصوصه سنه موافق اولدیغی ایچون سعی و عملری دهامثر اولدیغنی درمیان ایدر.

حاصلی چالشمه نك حصول ثروته اولان مدار کلیسی اوقدر واضحدر که ایشدن قاجینان بر تابل آدمک الینه کلی بر سرمایه ده کچسه حسن استعمال کلعتنی اختیار ایتماسندن طولایی آنی تلف ایتمسی ملحوظ ومشهود اولدیغی کبی چالیشقان بر آدمک دخی الینه کچن جزوی بر سرمایه دن بیوک بر ثروت حاصل ایتمسی پک ممکن کورلمکده در.

کلهم سرمایه به !! علم ثروت لسانجه سرمایه یکی برمال حصولی ضمننده صرف واستعمال اوانمق اوزره بر طرفه آیرلش اولان بر قسم ثروتدن عبارتدر. الماس وانتون وکوشدن معمول ادوات وآوانی بی وبونلر مثللو سائر قیمتدار اشیایی حصول امواله خدمت ایتمکدر ایچون سرمایه دن عد ایتمورلر. حتی ارباب علمدن اکثریسی تحصیل امواله تخصیص ایدلمیان مسکوکاتی بیله سرمایه دن معدود دکلدر دیورلر. بوبخنده علمای ثروتدن مشهور « روسی » دیمشدر که « وحشیلر برکیکی اولدر دکلن صکره اوچه تقسیم ایدوب برینی اوکون دیگرینی ایرتسی کون یمکه آیررلر . بر قسمنی یعنی بوینوزلرینی ده آو اولمق ایچون برنوع سلاح پیارلر اشته بوواج قسمدن اوچنجیسی یعنی بوینوزلر دیگر آو حصولنه برادیغی ایچون سرمایه اولکی ایکی قسمده اموال مستهلکه دندر.

يکي بر ثروت حصوله قابل اولان هر نوع ثروتی سرمایه اعتبار ايدنلرده واردر. بونلر ديورلر که بر چقچينک ادوات زرعيه سی سرمایه در. چقچينک انلری استعمال ايتماسندن طولايی او ادوات سرمایه لکدن چيقماز يالکز سرمایه اولديغی حالده معطل براغلمش اولور. مثلاً بر آدمک اوچ بيک غروش مصرفی اولوب درت بيک غروش ايرادی اولسه فضله قلان بيک غروش ولو استحصال ثروت اوغرينه صرف اولنيوب چکمهده محفوظ براغلمش اولسون ينه سرمایه در. انجق استعمالنه مانع اولان برالده بولنش اولور. الماس والتون وکوشدن معمول ادوات وآوانی دخی بوقبيلدنلر ديورلر. مدعالرینی اثبات ضمنده شونیده سويليورلر که بر طيب ويا خود برسام ويا بر او وقتک وسائر ارباب معارف وصنایعک علم وصنعتلرینک احکامی اجرا ايتاملری مالک اولدقلى معلومات سرمایه سنی سرمایه لک مزیتدن چيقارمى؟ حاصلی بوکبی ده بر طاقم مطالعانه بولنيورلر ايسه ده اکثریت استعداد وصلاحیت جهتی نظره المیوب یعنی برشيثک يکي بر ثروت حصوله مستعد وصال اولسنه باقیوب حصول ثروت يولنده صرف واستعمالی اعتباريله سرمایه اولسنه حکم ايتشلردز.

م بوفرقةک مطالعه سی معقول دکلی؟ برشيثک ماوضع لهنه استعمال اولنماسی ماهیتى تحویل ايدرمی؟

حتى نجه انسانك لوازماتندن معدود اولان اشياى مقوله‌نك
 بيله بريوك قسمى سرمايه‌در . مثلاً برآدمك بش والتى قات
 اثوابى اولسه عندالافتضا برقاتنى اليقويوبده ديكرلرinni فروخت
 ايله اثماننى يكي بر ثروت حصوله صرف ايتديكى حالده
 او اشيانك بدلى اولان اچقه سرمايه اولمش اولمزمى ؟ بو حالده
 او اثوابده سرمايه لك قابليتى بولمزمى ؟ يا خود بر آدم خانه سنى
 صاتوب كراده او تورسه و يا خود اندن كوچك برخانه اشترا
 ايله قصور اچقه يي يكي بر ثروت استحصالى ضمننده قوللانسه
 واقچه بومقصدى حاصل ايدمزمى ؟

ج بومسئله بوضورتله محاكمه ايديلورسه افاده كز
 تسليم اولنور . حال بوكه ارباب علمك ا كثرىتي بو خصوصده
 قابليت وماهيتى نظر مطالعه يه الميه رق سرمايه لفظنى علم
 اوله رق استعمال ايتمشلدر . يعنى ثروتك يكي بر ثروت حصولى
 ايچون قوللانيلان قسمنه سرمايه ديمشيلدر قوللانلر ايسه
 او قسم ثروت دائره سنده قاليور . اكا سرمايه ديميورلر .
 مثلاً برآدمك بر قاجيك ليراسى اولسه يكي بر ثروت حصوله
 صرف ايتيوب صنديغنده صاقلاسه اكا نقود محفوظه ديور
 سرمايه ديميورلر .

م بو حالده بوبحى تطويلده احتياج قاليور . رأيكزه
 توافى ايدرسه سوزى تقسيم اعماله نقل ايدملم .

ج بك اعلا اولور . بيورك .

« تقسیم اعمال »

م تقسیم اعمال حقنده مطالعه کزندره؟

ج بوبر مسئله در که محسناتی عمومأ تصدیق اولنمشر .
اعمالک تقسیمی ارباب عملجه بر بیک مهارت و ملکه یه وز مانجه
ایجه بر تصرفه باعث اولدیغی جهنله محصولات اعمالیه هم
نفاست و مقدار جه ترقی ایدیور همده فیأنجه تنزل ایلور .
منلا ادنا شیلردن اولمق اوزره برکبریت قوطوسنی الله الم
بونک بر آدم دائما یالکز الت واوست قیاقلرینی یاقمله اشتغال
ایتسه او آدم بر درجه مهارت و ملکه حاصل ایدر که عملیاتی
اجرا ایدر کن الری ذهن و نظریه ک معاونت و دقتنه احتیاجدن
وارسته اوله جق بر حاله کلکله قیاق یامغی آغزینه لقمه
کو تورر قدر قولای حس ایدر . بوقدر مهارت البته کوزل
یالمسنی و فرط ملکه ده چوق میدانه کلمسنی جو قلق ایتسه
او چوز اولمسنی اقتضا ایدر . بوندنده عموم استفاده ایلر .

م ارباب علمدن بعضیلری بونک عکسینی درمیان
ایدیورلر یعنی نفاست و کثرته سبب اولان اعمالک تقسیمی
دکل ما کنه لک استعمل ایدر دیورلر . ازان جله ارباب علمدن
« شارلی غنیل » اصول علم ثروت نام کتابنده « آدم اسمت » ک
تقسیم عمل حقنده کی مطالعاتنی بیان ایتدکن صکره ینه ارباب
علمدن « لورد لاندرا ل » ک افاده سنی اولمق اوزره دیرکه

«تقسیم اعمال فکری یکی برشی اولیوب پک اسکی زماندرده موجود ایدی. ایکنه فابریقه‌لری کبی برطاقم فابریقه‌لرده معمولانک کثرت اوزره حصوانه بادی اولان اعمالک تقسیمی دکل ماکنه لک استعمالیدر. منلا ایکنه یایمق ایچون ماکنه یاردمیله چالیشان برعمله برکونده تقسیم اعمال طریقيله چالیشان برچوق عمله لک برآیده یاپه‌یيله جکلرندن زیاده ایکنه اعمال ایده‌یلور ۱۸۷۵ سنه‌سی اسقوچیاده انبیکدن چکیلان مسکراته خالون باشنه مقدار معین حسابیله رسم طرح ایدلسنه دائر حکومت و قوعبولان تکلیف اوزرینه بوصنعتده تجاریب کثیره‌سی اولان لوندره مقطرلریله حکومت میاننده و قوعبولان مذاکراتک نتیجه‌سی اولق اوزره بروقت معینه‌ده تقطیر ایدیلان مسکراتک مقداری اوزرینه طرح و تکلیف اصول قرارگیر اولسنه مبنی برانبیک هفتده یدی دفعه تخلیه‌سی فرض و تخمین اوله‌رق اولوجهله تعیین تکلیف ایدلشیدی. ایکی سنه صکره مالیه نظارتنه ویریلان برلایحه مآلندن مقطرلک هفتده قرق بش کره انبیکلرینی تخنیه ایتدیکلری اکلاشلایغی کبی اوتاریخدن ایکی آی صکره ینه ذکر اوتانان نظارتنه ویریلان دیگر برلایحه دن دخی برانبیک برساعتده یکریمی ایکی دفعه تخلیه ایدلدیکی مستبان اولمشدر. اشبو عملیاتک بوصورته تسریعيله ثمراتک تکثرینه مجرد ماکنه ل سبب اولقده در». بومطالعہ بنجوده عتله ملایم کورینیور

اگر ما کنه‌لر اولیاییدی اعمال نه قدر تقسیم اولنورسه اولنسون عجباً محصولاتک تکثری کوریلان درجه ده اولورمی ایدی؟

ج اکا شبهه نه! ما کنه‌لر اولیاییدی البته محصول عمل بودرجه کثرتی بوله مزدی. لکن بومطالعہ « آدم اسمت » ک تقسیم اعمال حقنه کی افکار واقوالنی تخطئه یه مدار اوله من چونکه « آدم اسمت » ما کنه‌لرک فوایدینی انکار ایتدیکی کبی تقسیم اعمالیده ما کنه سز اجرا اولنسون دیمور. مثلاً پارسده « غودیو » دیمکه معروف عسکر قوندیره سی یا پیغه مخصوص بر فابریقه واردرکه آنده بر قوندوره بر ساعتده یابیلور. حتی بعض سیر جیلره فابریقه یه دخوللرنده حاضرلنش کاوسالهره اسمرینی یازدیر یورلر. بونلر تقریباً بر ساعت ظرفنده فابریقه ک هرجهتینی کزوب تماشا ایتدکن صکره چیقارکن اسمرینی یازدقلمری کاوسالهلر دن یاپلش قوندوره لر کندولرینه ارائه اولندقه ایج ویا طیش طرفلرینه اصابت ایدن امضالرینی کور یورلر. بوسرعت تقسیم اعمالدن بشقه یه عطف اولنه یلور؟ عجباً بر ما کنه بر قوندیره عائد کافه عملیاتی اجرایده ک اولسه بر ساعتده بیتوره یلورمی؟ مثلاً قوندوره‌لک یالکز جهت سفلاسنه قونیله جق بر پارچه مقداری متصل کاوساله کسمک یا خود متصل چویلرینی میخلامق ویا متصل دیکمک حاصلی عملیاتک هر قسمنی آیری

آری ایضا ایتک طریقہ حاصل ایدیلان سرعت بونرک
جہلہ سنی برما کندیہ اجرا ایتدیر مکہ حصولہ کلہ بیلورمی؟
کلہ میہ جکی درکار بناء علیہ « آدم اسمت » ک مطالعہ سندہ کی
اصابت دخی ناقابل انکار در.

حتی بواصولک مشاغل ذہنیہ دہ بیلہ فوائدی منکر
اولدیغنی اثبات ایچون برمثال ایراد ایدیم. ارباب علمدن
« ایزوارد » « علم تصرف معمولات » نام کتابک تفسیم
اعمال قسمنده دیرکہ فرانسه دہ اصول اعشارینک تأسیسندن
براز صکرہ بونک صورت استعمالنی تسہیل ضمنندہ برجدول
حسابی تنظیمی آرزو اولمشیدی. حکومت اشو جدولک
ممکن اولدیغی مرتبہ شمولنی توسیع املیلہ بو خدمتہ فرانسه دہ
بولنان کافہ ارباب حسابی دعوت ایتشیدی.

اجتماع ایدن علمای حساب بونک برمدت معینہ ظرفندہ
ایفاسی برطرز جدید سعیہ محتاج اولدیغنی تسلیم واعترافہ
حکومت جانبندن بوایشک اجراسی تحت نظارت وادارہ سنہ
براقیلان « پرونی » نک تصورینی قبول ایتشلردر.

« پرونی » دائرہ نک طقسانہ منقسم اولان زاویہ لرینک
یوزہ تقسیم ایچون صورت مکملہ دہ اولمق اوزرہ « لوغارتمی »
و « مثلثات » جدول لرینک تنظیم و ترتیبنی تعہد ایلش ایسہ دہ
برطاقم مقتدر ذوات ایلہ بونک حصولہ کمال سعی و اقدام
اولندیغنی حالہ بیلہ عمرک کفایت ایتیمہ جکنی اکلا یہ رق

تأسف ایتمکده ایکن برکون کتابچی دکانلرینک برنده « آدم اسمت » ک ١٧٧٦ تاریخنده لوندرده موقع انتشاره چیقاریلان « ثروت ملک تحری ماهیت واسبابی » عنوانلی کتاب مشهوری نظرینه اصابت ایتمکه الینه آلوب آچار . تصادفاً تقسیم اعماله دائر اولان ومثال اوله رق ایکنه اعمالنی کوسترن مباحثک بر صحیفه سی ظهور ایدر . موعی الیه بو صحیفه یی اوقور اوقومز تنظیمی در عهده ایلدیکی جدولی ایکنه اعمالی کبی تقسیم عمل صورتیله میدانه کتیرمکه قرار ویره رک اوج شبهه ترتیب ایدر . برنجی شعبه یالکز اشکال هندسی تحری و ترتیبی ایکنجی شعبه برنجی شعبه دن ویریلان اشکالک عدده تحویلی اوچنجی شعبه ده ایکنجی شعبه دن ویریلان عددلرک جمع وتنزیلیله مشغول اوله رق بو صورتله بر مدت قلیله ظرفنده مذکور جدول میدانه چیقار . اشته بو وجهله امور ذهنیه نک بیه تسهیل حصول نتایجنی موجب اولان بر اصولک فوائدینی ما کنه لره عطف ایتک بداهته قارشو سوز سونلک قبیلندن اولزمی ؟

م عجایب ما کنه لرک بو خصوصده کی محسناتنی انکارمی ایدلم ؟ تقسیم اعمالک افاده کز وجهله فوائدینی تسلیم ایله برابر بو فوائدک هیچ اولمزه بر کوچک قسمی ده ما کنه لره عطف ایتک نه دن واقعده موافق دوشمسون ؟ بر طاقم مؤسسات جسمیه صنایعه نک ذهنلره خیرت ویره جک

درجدهده سرعت و کثرتله حصوله کنوردیکی اشیا مجرد تقسیم اعمالدن می ایلری کلیور؟ بوکا ماکنه لک مداری اولیور می؟

ج یوقاریده کی سوزیمزی ینهمی تکرار ایده جکر؟

ماکنه لک باعث اولدیغی تسهیلاتی کیم انکار ایده یلور؟


لکن بجنمز اوراده دکل اعمالک تقسیمنده اعمال کرک ماکنه ایله کرک ماکنه سز اجرا ایداسون. هر ایکی صورتهده تقسیم اولندیغی تقدیرده آز مدت ظرفنده چوق شی وجوده کتیرر. ماکنه ایله اجرا ایدیلان اعمالک قوه استحصالیه سی البتده ماکنه سز اجرا ایدیلاندن زیاده در. لکن نسبتی بونده ارامیه جغز تقسیم خصوصنده ارایه جغز. ماکنه ایله اجرا ایدیلان اعمالک قدرت استحصالیه سی قبل التقسیم یوزده یکرمی ایسه بعد التقسیم یوزده التمش بلکه دها زیاده در. حتی بو بابده کی تجاریب اشیاى معموله دن بر شیئک اجزای اصلیه سنی آیری آیری ترتیب ایدن کوچک کارکا ه لک ماکنه استعمال ایدن قابریقه لر قدر مستفید اولدقلرینی بیله ظاهره چیقارمشدر.

ارباب علمدن «نوبراق» دیرکه فرانسه نك هیچ بر طرفنده اعمال «ال بوف» شهرنده کی قدره تقسیم دکلدر. شهر مذکورده چوقه یه متعلق عملیاتک جمله سنی اجرا ایدر هیچ بر کارگاه یوقر.

اجزای اصلیه دن اولان یونک یقائمی قورومسی

بویانسی بوکلسی طوقونسی و سائرہ سی ہپ آری آری
محارہ مخصوصدر . بو شہرہ تقریباً اوج یوز قدر فابریقہ جی
اولوب بونلرک ایچندہ فابریقہ سندہ ماکنہ استعمال ایدنک
مقداری اوتوزہ بالغ اولمز . بونلرہ بریکیلردن زیادہ استفادہ
ایده مزلر .

اویونجاندن معدود اولان شیلرک بیلہ اھونیت و کثرتی
موجب اولمق اوزرہ تقسیم اعمال طریقہلہ اعمال ابدلدیکنی
کوسترمک ایچون سزہ بر تحف مثال ایراد ایدہیم . یوقاریده
ذکری بکن « ایزوارد » « برمانق » شہری معمولات زجاجیہ
فابریقہ جیلرندن « اوستلر » نام بر آدمک معمولات مذکورہ
قومیتہ سی نزدندہ واقع اولان افاداتنک خلاصہ سی اولمق
اوزرہ مدالہ آتیہ بی ینہ مذکور کتابندہ نقل ایلر « اون سکر
سنہ اول لوندرہ یہ کلیشمہ تصادف ایتدیکم بر ذات کندیسنہ
بر مقدار بک کوزی اعمال ایدہ بیلورمی می بدن صورتی .
وہلہ اولی دہ بو سؤالی تحقیر مقابندہ تلقی ایدرک جانم
صیقلدی ایسہدہ سائل بنی برکنیش صالونہ ادحال ایلرکدہ
کورددم کہ کزنتی محلدن بشقہ ہیج بر بوش یر قالمیوب یردن
طوانہ قدر صالون بک اعضاسیلہ طولو . بو ذات دیدیکہ
بورادہ کوردیککز یالکز قول وایا قدر بدن قسمی الت
قاندہ در او وقت اکلادم کہ بو ذاتہ کلی مقدار بک کوزی
لازم و بونیدہ فابریقہ م معمولاتنک نوعندن کوردیکمدن اعمالی

تجربه راضی اولدم . بو ذات بکا بر نمونه ابراز یله هر نوع
 شکل و قطعه ده بر چوق بیک  کوزی سپارش ایلدی .
 اقامتگاهمه کلوب مقدار مطلوبک قلله حسابنه کیر یشدیکمه
 بش یوز انکلیز لیراسندن زیاده ایتدیکنی اکلادم . فابریقه مه
 عودتمده عمله لرم میاننده جام معمولاتجه مملکتک اک ماهر
 استاد لری بولنق حسیله انره نمونه یی ابراز ایلدم . بونلر
 اعمالنه موفق اوله میه جتلیزنی سویلدیلر . مع مافیه وعد
 مکافات ایله کندیلرینی اجرای تجربه یه سوق ایلدم ایسه ده
 ثمره سز تجربه ایله اوج درت هفته ضایع ایدلدکن صکره
 ترکه مجبور اولدم . تقریباً بوندن اون بر آی اول تصادف
 بنی فقر و ضرورتک اک نهایت مرتبه سنه وارمش بر بیچاره
 آدمه ملاقی ایتدیردی که بونک طریق اعمالنی بیلوردی .
 کندوسنه براز باره ویردیکمه صورت اعمالی بکا یلدیرمکه
 راضی اوله رق شفاهاً تعریفه قالدشدی . هر نقدر بو نوع
 اعمالته آله شمش و دیدیکی شیرده هر کون کوزمک اوکنده
 اجرا اولسان اعمالات قیلندن اولوب غرائبندن بولنمست
 ایکن نه یاپیلورکن کورلمدیکه نقدرکله سه ام کلایه میه جغمی
 اکلادم . نهایت مرقومک اقامتگاهنه کیره رک و کندیسنه
 یاپدیره رق کوروب اوکرندم . وبو صورتک عمله لریمک
 بیهوده یره تجربه ایله اوغراشدقلری طرز اعماله نه قدر جزوی
 مخالف اولدیغینده کوروب تعجب ایتدم . « بوندن صکره

صاحب افاده دیر که « عند الحسب مقدار مذکور کوزک او وقتی فیثاتک انجق نصفی بوله بیه جکنی ا کلامسه ده انکترده چو جقلرک ایکی یاشندن یدی یاشنه قدر بیکله اویناملری وسنه ده بر بیک اسکملری حسابله یالکز بیک کوزی ایچون بیکلرجه انکلیر لیراسندن مرکب کلی بر سرمایه نک دور ایتمکه اولدیغنه قانع اولدم » .

اشته بویه لاشی مثابه سنده اولان بیک کوزی ایچون هر سنه بیکلرجه انکلیر لیراسندن مرکب بر بیوک سرمایه دور ایدرسه انکترده نه درجه کایتلی بیک اعمال ایدلمکده اولدیغی تصور اولنه یلور .

بو بیکلرک نه اولدیغی بلای اولیان بزم بیکلرکی اولدیغی وعادتا مناسب الاعضا بولدیغی تخطر اولنورسه نفاستی و او نفاسته نسبتله اهونیتی دخی ظاهر اولور . اشته بو کثرت و نفاست ایسه مجرد تقسیم اعمالدن بشقه بر شیئه جل اولنه مز . چونکه بر آدم یالکز بیک کوزی و یاخود قولی و یا ایاغی و یا باشی یا پمغله مشغول اولور ایسه البته حاصل ایتش اوله جغی ملکه یه مبنی هم ایو هم چابک یاپار .
 م بورالری پک اعلا لکن ارباب علمدن بعضیلرینک بو اصول حقنده درمیان ایتدکلری محاذیره نه دیه جکسکر؟
 ج نه کی محاذیر ؟

م ازان جله سنک بالاده بر قولنی مثال اوله رق بیان

ایتدیککز « هانری غـ یرده » تقسیم اعمالدن بحث ایتدیکی
صرده دیورکه « ممالک متمدنه موجود اولان تقسیم اعمال
اصولندن متولد بهض اوینـ و نـز اقلر منکر دکلسه ده اصول
مذکورهدن حاصل اولان منافعه بونلر بر وجهله متیس
ارله مز .

بو او یغونـز اقلردن بری تقسیم اعمالک قدرت شخصیه یی
تحدیده مائـ بولنمـسـدر . علی الدوام بر نوع ایشـله اشتغال
مجبوریتنه مبنی اعمال سائر بی او کر نمکه وقت قالمیور . عمله
وارکه مشغولیتی منحصراً ایکنه یامقدن عبارت اولدیغندن
بشقـه هـیج بر شی یلمیور . هر کس بر شی یامغی او کر نمکده
اولدیغـدن او شیئک موده سی دکشسه و یاخود بر سبله
رغبته نقصان طاری اولسه عاملری دیگر بر شیئک اعمالی
او کر نجه یه دکین فقر ایچنده قالمیور .

ج اوت پک طوغری . بو محاذیری کسه انکار ایدـ مز
حتی براز دها دوشنیلورسه بورا سیده تسلیم اولنورکه بر آدم
ایکنه باشی یامقی یاخود تل چکمک حاصلی بونلر کبی زهنک
معاونتنه محتاج اولیان عادی ایشـلـر ایله مدت مدیده اشتغال
ایدرسه انک ذهن وفکرنده قدرت واستعداددن اثر قالمیه جفغندن
او آدم ما کنه کبی حرکتی غیر اختیاری اولان بر جسم متحرک
حاله کیرمکه مشاغل معـده سندن بشقه برشیئه یرامز .

م بو حالر اسباب تسهیلات دن معدود اولان تقسیم

اعمال اصولدن جعیات انسانیه جه متصور اولان فوائده
تقابل ایده بیله جک مرتبه مضرتلر ظهوره کلمکده اولدیغنی
تأمینیه کفایت ایتزمی ؟

ج خیر ! معلومدرکه برشیئک محسناتی سیئانه غلبه
ایتدیکی تقدیرده انک نفعنه قائل اولق ضروریدر . تقسیم
اعمال اصولک دفع و اصلاحی ممکن اولان شواویغونسزلقلربنه
قارشو باعث اولدیغی تسهیلات عظیمه نظر اهمیتیه الینورسه
ترقیات صناعیه نك وسائل اساسیه دن اولدیغنی عدم اعترافه
امکان قالماز . اوچنجی ناپولیون زماننده فرانسه تجارت نظارتنده
بولنان موسیو « یشل شوالیه » ۱۸۶۲ تاریخلی « روودوموند »
دهکی مقاله سنده تقسیم اعمالدن بحث ایتدیکی صروده مجرد
بو اصولک آثار ترقیسندن اولق اوزره انکاتره نك صنایعجه
مشهور شهرلرندن اولان « منچستر » و « غلاسقوو » ده ایکی
فابریقه ده سنوی قرق ملیون مترو قاش اعمال اولدیغنی درمیان
ایدیور . قرق ملیون مترو دیله قولای کابیور اما بو مقدارک
محیط کره ارضک قسم اعظمی احاطه ایده بیله جکی حساب
اوندیغنی حالده کلیتجه حائز اولدیغنی اهمیت ظاهر اولور .
« آدم اسمت » ک مشهور ایکنه مثالنده کی حسابنه نظر آ
ایکنه یه متعلق عملیه نك کافه سنی اجرا ایتک شرطیله بر عمله
کونده بر ایکنه یاهه یلورسه تقسیم طریقیه له بر عمله بومیه
سکسان یك ایکنه یامش اولیور . بر ایله سکسان یك یاشنده کی

فرق نظره النديغى تقدیرده بواصولك بخش ايتديكى تسهيلات
 بلا تردد تسليم اولنورظن ايدرم . ذكر اولنان اويغونسزلقره
 كانجه ترقیات فكر بهك بونزیده اصلاح ايتمى قويأ مأمولدر
 عملله يومية برقاج ساعت تنزه ايجون وقت براغلمى وبونلرك
 يومية لرینی تزید ايله سائر شیلراوكر نمكه مساعد برحاله ايصال
 ايدلمى وتعطيل ساعتلرنده مطالعه ايله ذهنلرینی مشغول
 ایده بيله جك مرتبه اوقوتديرلمى طريقلريله قواى ماده
 ومعنويه لرینی محافظه يه موفق اولنه بيلسى پك ممكندر . حتى
 « دانزه » دارالفنون معلمندن « هروه بازن » علم ثروته دائر
 اولان تألیفاتك بو بحثنده بوخاللرك پك فنا اولمسيه برابر
 تقسیم اصولك ذكر اولنان فوائدینی ازاله ایده میده جكنی
 بیاندن صکره دیر که « صنایع حاضره کسب ترقی و انتظام
 ایتدیکه صاب و چرخ درجه سنه تنزیل ایدیلان عملك
 کوردیکی ایشلر ماکنه ادواتنه کوردیر بیلور . »

م بو حالدہ افکارجه اتحاد حاصل اولور . بنده
 مقصدم تقسیم اعمال اصولك محتاج اصلاح اولدیغنی درمیان
 ایدی . مادام که مباحث علم ثروتی بورایه قدر تعمیق ایتدك
 تنسیب بیوریلورسه ده ایلرویه کوتوردم .

ج پك مناسب اولور . بیورك .

م علم ثروت لسانجه تقسیم ثروتدن متصدندر ؟

ج تقسیم ثروتدن مقصد ثروتك حصوله بادی اولنلر

بيننده انقساميدر . اصحاب علمدن اكرتيسي حكومت اصحاب
اراضى اصحاب سرمايه وعمله اعتباريله بوسائلى
درده تقسيم ايدىيور . وحكومتك حصه سنه ويركو اصحاب
اراضينك كنه ايراد سرمايه دارانك كنه فائض عملهك كه ده
اجرت ديورلر .

م بو اركان اربعه بيننده اجرا ايديلان تقسيمك علماً
نه اساسه مستند اولسى لازم كلور ؟

ج اساس عدله .

م بو جواب پك مختصر ايضاح بيوريلورمى ؟

ج دنياده هيچ بر جمعيت هيچ بر سعادت تصور اولنمز كه
دائرة عدلدن انحرافله برابر پايدار اوله بيلسون . اشته عئم
ثروتك الك مهم مسائلندن اولان اشبو توزيع ثروت ماده سيده
اكثريت اوزره عدله غير مقرون بر صورته جريان ايتمكه
وبو بابده بعض طرفدن پك غريب وپك سقيم مطالعه لرده
درميان ايدلمكه اولديغندن اصحاب علم بومسئله يه فوق العاده
بر اهميتاه باقده در . الك متمدن مملكتلرده بيله بو خصوصده
عادلا نه طور انلديغندن ناشى بيوك بيوك امنيت سزلكلر كوريليور
مثلا عماله اعماله نسبتله اجرقي پك آز صاحب ارض و سرمايه ده
ايراد وفائضى پك چوق الييور . حكومت ايسه ويركويى
صورت غير مناسبه د ، اخذ ايدىيور .

م افاده كزى لايقيه اكلايه دم . ارباب عملاك اعمالنه

نسبتله اجرتی آز واصحاب سرمایه وارضك چوق آلمری
 «الحکم لمن غلب» قاعده سندن ایلرو کلیوریا . موافقت
 و خوشنودی طرفیناه حاصل اولبور . مثلاً بر صاحب ارض
 و یا خود سرمایه ارض و سرمایه سندن کیف مایشاء
 استفاده بحسب اتصرف استحقاقی اولد یغندن ارباب عمل
 ایله عقد ایده چکی مقاوله ده منفعتی دوشنه چکی کبی ارباب
 عمل دخی مساعی و انعه سنك نمراتندن آرزوسی وجهله مستفید
 اولغی طبیعی دائرة ملاحظه دن دور طوتیمه جغندن میانه ده
 منعقد اولان مقاوله البت طرفینك منافعه موافق دوشه چکدر .
 بو حالده بر طرفك استفاده سنده کثرت دیکرینك کننده قلت
 تصویری ظن ایدرم بکده حقیقته موافق ایتمز !!

ج معلوم کردد که اولاً حق تعالی حضرتلرینك بز
 قولرینه طریق عدل و حتی ارأئیه مأموراً بعث و ارسال
 بیوردیغی اینبای اعطاک مساعی و اقه متدسه لری
 منحصراً محافظه منافع عمومیه جهتنه مصریف و معطوفدر .
 ثانیاً اعطاک مشارالیه مک وضع و تأسیس بیوردقلری اسباب
 سعادت و تمدنك نتایج مرغوبه سندن اولق اوزره وجوده
 کلان علوم متنوعه مک مطالب و مقاصدی دخی هب بو نقطه یه
 محصوردر .

بناء علیه دیناً علماً عقلاً هیچ بر قاعده تصور اولنه ماز که
 منافع عمومیه یه منافی اولغله برابر مرعیتی رهین جواز اواسون .

کیف مایشاء استفاده به حق تصرفک صلاحیت ویرمی
فی نفس الامر بر وجهله تسلیم اولنه ماز .

کرچه غریب غریب فکر ومطالعده لک مصدر ومنبعی
اولان فرانسه ده بر طرز مخالفده ظهور ایدن حریت شخصییه
فکری اذهانجه بموقوله مرعیتی غیر ممکن حق وصلاحیتلره
وجود ویرمش ایدسه ده وقوعات ونجاریب پک چوغنک خیالدن
عبارت اولدیغنی اثبات ایتشدرد . ازان جمله قرال «لوئی فلیب»
زمانده فرانسه ده بو کیف مایشاء تصرف حقنه فوق الاماده
رعایت بریوک مودا حکمنی آلمش ویر مرتبه افراطه وارمشی که
اوصره ده انشاسنه ابتدار اولنان بر شمدوفر خطنک کذرکاهنه
تصادف ایدن بر ترلایی صاحبی ویر ماملکه شمدوفر عملیاتی
تعطیل ایدلمش وبونک اوزرینه بر چوق مباحثات ومنازعاتدن
صکره منفعت عمومیه نیک کوستردیکی لزومه مبنی صاحبنک
رضاسنه باقیوب بدانی ویره رک اشتراک املاکه صلاحیت
حکومت قاعده سی مواد قانونیه به علاوه قلمشدر .

کیف مایشاء تصرفه سوء استعمالده داخل اوله ییلور .
بوکا ایسه نسبت اولنه جق هیچ برحق وقاعده یوقدر
واوله ماز . منافع عمومیه بی نقطه نظر دن آیرمیان مطالعات
سلیمه اربابی انشاآت عمومیه نیک کوستردیکی لزوم ومنفعت
دائره سنده بو وجهله تحدید حق تصرفدن فضله اولدوق
عندالحاجه اسقاطه قدر جواز کوستریورلر .

مثلاً بر آدم تحت تصرفنده بولسان اراضی بی بلا سبب
 زرع ایتمیوب خالی و معطل بر اقسه منافع عمومیه نك امر
 محافظه سی عهده سنه مفوض اولان حکومت او آدمی اراضی سی
 زرعه اجبار ایتك و عکسی تقدیرنده حق تصرفنی اسقاطه
 قدر کتمك خصوصنده وظیفه حقلیدردیورلر . و حتی اصحاب
 فکر و مطالعه دن بعض ذواتك اراضی اوزرینه طرح ایدیله جك
 ویرکونك قوه انباتیه و احوال محلیه نسبتنده مقطوعاً تعیینی
 موافق نفس الامر در ! ادعاسنی مجرد بو حقیقه مستنداً
 در میان ایدیورلر .

جمعیات انسانی نك یکدیگرینه معاونت و مظاهرت شرائط
 طبیعیه سنه نابع و منافع متقابله اربابندن مرکب بر طاقم فرقه لر
 اولدیغی ملاحظه ایدلدیکی تقدیرده هر فردك وظیفه معاونت
 و مظاهرتی ایفایه قطعاً بورجلی اولدیغی ظاهر اولور .
 هر کس منافع متقابله مذکور نك مجموعه دن عبارت اولان
 منافع عمومیه آیری آیری خدمت ایتك وظیفه سیله مکلفدر .
 ویرکو تعبیر ایدیلان خدمت تقدیه ایسه مجرد بو وظیفه یه
 تبغاً ایفا اولنمقده در . چونکه منافع عمومیه نك فرداً فردا
 وقایه سی ممکن اولمیوب بونك بر هیئته تفویضی ضروریدر که
 حکومت اشته او هیئندن عبارتدر . او هیئت یعنی حکومت
 دخی بوباده بر چوق مصرف احرا سنه مجبوردر که بوکا
 قارشولنده ویرکو وسائر ناملر ایله استیفا قلنسان اقیچه در .

بناء عليه برآدم تحت تصرفنده بولنان املاك و اراضيسنى خدمت نقدية عموميه دن حصه دار اوله ميه جق برحاله بولند ير ايسه حقنى سوء استعمال ايتمش اولور . سوء استعمال ايسه هيچ بروقت هيچ بروجهله استنادكاه اولق اوزره بر نقطه حق بوله ماز .

م عفو ايدرسكز اما بومطالعہ كزى غريب كور يورم !
ج نچون ؟

م سزما دتا شخصك حق تصرفنى حكومته ويرمك استيورسكز . بن ماليمى استديكم كبي استعمالده حقلى يدر . بن كندى استفاده مى نظر اهميته الماز سه م ديكرينك بنى مستفيد قىلق يا خود بدن استفاده ايتمك ايچون اسقاط تصرف ككى بر معامله غدارانه نك اجراسنه حتى تصور ينه بيله نه دن حق اوله بيلدون اما منافع عموميه نك محافظه و جايه سى ضمننده بنده خدمت نقدية عموميه نك بر جزؤنى ايفايه بورجلى ايتشم پك اعلا انى سائر صورته ايفا ايدرم . لكن بر قطعه اراضى كيفه تبعاً خالى براقورم كيكم مداخله حق اوله بيلور ؟

ج بومطالعہ كزى جمعيات انسانيه نك احوال حاضر مهنه نظر آ ايراد ايد يورسه كز اكثريت اوزره وقواته موافق درم . لكن نفس الامرى نظرده طوتيورسه كز بالوجوه

مجر و حدره . زیر احق دیدیکگزشی مطلق بروظیفه مقابلنده در
او وظیفه نك ایفا سنجه شاید بر کونه قصور و تسامحه محل
بر اقبلور سه حق متقابل دخی حائز اولدیغی صلاحیتك قوتنی
غائب ایدر . مالیکزه تصرف نصل حقکزایسه آنی حسن
استعمالده وظیفه کزدر . ضعف عقل و ادراکدن ناشی
احوالنی حسن ادارهیه مقتدر اوله میانلرک تحت وصایته
التمسندہکی مساع شرعی وقانونی بو حقیقتك برهان وجوبیسی
اولق اوزره تلقی ایدیلہ مزعی؟

نصل بر انسان تصور اولنه یلور که عقلی باشنده اولدیغی
حالده اختیار یله بیهوده یره منافع مشروعه خصوصیه سنی
اخلال ایتسون؟ ونصل عقل تصور اولنه یلور که منفعتنی
بالاختیار اخلال ایدن بر احقدن منفعت عمومیه جه برخدمت
وقوعنی دائره امکانده کورسون؟ زیرا آنک محو و اخلال
ایتدیکی او منفعت خصوصیه ده مجرد منافع عمومیه نك
بر جز ویدر .

واقعا علی العموم انسان جمعیتلرینک بولندقلری درجات
سیاسیه حاضره هنوز افرادک بومثللو احوال خصوصیه سنی
تحت انضباطه المغه مساعد اولدیغی اجلدن هر کسک احوال
حاضره سنجه حائز اولدیغی مختاریت مطلقه نك دهاپک
چوق وقت حکم سوره یله جکی درکار ایسه ده اراضی مثللو
عمومه شمولی اولان اموال حقنده کی محاکمات و مطالعات

بستون بشقه لشور . طوراق علی طریق الانقسام افراده
 عائد اولمغله برابر عمومیتی اعتباریله اوافرادك مجموعندن
 عبارت اولان دولته ده عائددر . بر قسم اراضی یه فلاجه نك
 اراضیسی دسلدیکی کبی فلان دولتك اراضیسیده دینله ییلور
 بناء علیه اوبارچه نك اعمار و تخریبی خصوصلرنده کی مسئولیتك
 صاحبی اولان شخص ایله برابر عموم نامنه اجرای حکم ایدن
 حکومتده عائدیتی انکار اولنه مز . بوحالده بن اراضیسی
 خالی عن الزراعه براقه جغم کیفم اویله استیور . دیه نه
 « خیر عمومك کیف و منفعتیده آنك مزروع و معمور بر حالده
 بولمسنی استلزام ایدیور . سنك عمومه تبعیتك ایسه قاعده
 کلیه اقتضاسنددر اوله مز » جوابنی اعطاده حکومتك
 ایفای وظیفه ایتمش اوله جغنی تسلیم ضروریدر ظن ایدرم !!
 م بوقاعده نك مرعیتی حریت شخصیه بی اخلال
 ایتمزی ؟

ج بوقاریده سویلدیکم کی بنه تکرار ایدرم که بومثللو
 تعبیرله قوه خیالیله لینه توفیقاً معناویرمك استیانتلی و قوعات
 مایوس ایتمشددر . اگر حریت شخصیه هر عقلنه کلانی
 یاپه بیلک اقتدارینی حائر اولمقدن عبارت اولیدی امور و معاملات
 افراده عارض اولان شورش و اغتشاشدن حتی اجتماع بشرك
 بقاسنه امکان قالمزدی که بومثللو محاکمه لزوم کورلسون
 « سوسیالیست » « قومنیست » کی افکار مفرطه و مخیله

اصحابك دخی مطالب و مقاصد غیر معقوله‌ری بتون بو حریت
شخصیه تعیرینك سوء تفسیرندن ایلوو گمشدر.

مثلاً «سوسیالیست» لرك انقسام ثروت خصوصنده یالکزر
مساعی مادیه اصحابی دوزجده‌سی عمله کروهنی اصناف
سأره‌دن قات اندرقات مستحق کوره‌رك ثروت مستحصله‌نك
قسم اعظمی بلکه مجموعی انلره تائد اولتی لازم کلورکی
بردعوی غریبانه‌ده بولملری و علی‌الخصوص اصحاب فکر
وهزی نظر اهیته الماملری و «قومنیست» لرك دخی تمتع
و مکافنده مساوات تصوری کی مغایر فطرت رادعای
عجیبانه‌یه قیاملری هپ حریت شخصیه نامنه ایدلشدركه بویه
حریتی هیچ بر عقل سلیم قبول ایتمز. چونکه بویه حریت
امثالی نامسبق براسارت و برخرایت عمومیه‌دن بشقه برشی
انتاج ایده‌مز.

بوکونکی کونده ملل متمدنه میاننده دوام ایتمکده اولان
صنایع محارباتی عسکر غوغالرندن زیاده نظر اهمیتی جالبدر.
براردونك نظام و انتظامجه نقایصدن عاری اوله‌ماسی
ویا خود نفراتنك مقتضی اولان شجاعت و متانت مالک
بولنماسی یا خود قوماندا ایدن ضابطان و امرانك اتخاذ تدبیر
و اجرای حرکتده ظهور خطایه مانع کفایتیه صاحب
اولماسی مخاطره مغلوبیتك وقوعنی تسهیل ایده‌جکی کی
محاربات متمادیه‌ده بولنان صنایع اردولرینك دخی یکدیگرینه

قارشو موقیتلری روابط ترتیب و انضباطجه حصول مکملیه
موقوفدر .

مثلاً « سوسیالیست » لک قولی اوزره امور مادهده
استخدام اولنان عمله کروهنگ حق رجحانی تسلیم ایتک عینی
بر نفری معلومات مکتسبه و قابلیت فطریه سی یاردمیه بیوک
بیوک موقیتلرک حصولنه بادی اوله بیله جک پیلانلر ترتیبینه
مقتدر قوماندان و یا خود امرایه تقدیم ایتکهرکه بونی کندینی
عقله مسوب قیلان بر فرد وجداناً تصدیق ایده من . مثلاً
بر نفرك خدمتیه بر قوماندانک خدمتی اهمیتجه بروجهاله
مساوی اوله میه جغندن بونلرک استفاده و مکافاتجه بر طرز
تساویده معامله کورملرینی صورت متساویده حصه مند
اموال اولقی یعنی استفاده و مکافاتجه مساواتی مشروع
طابق ادعای تخریبکاریسنده بولان « قومنیست » لردن بشقه
شعورندن امین اولان هیچ بر کیسه قبول ایده من واقعا
سعادت عمومیه نك اسباب اساسیه سندن معدود اولمغه سزاوار
کوریلان انقسام ثروت ماده سی اکثری محلا رده حالا علم
ثروتک بالوجوه مرضیسی خلافنده جریان ایتکده اولوب
انجیق بونک اصلاحی یالکز بر طرفک منفعتنی بر صورت
مفرطه و غیر مشروعده محافظه یی ارزو ایتکله حصوله
کمز ارباب استحقاقک قواعد عدل و علمه تبعیت ورعایتیه
حاصل اولور .

« غره وه » نك بو باده یی مطالعاتنك بعض جهتلی
 نفس الامرہ پك مواقدرد . دیور كك ارض عمل سرمایہ
 اكر بونرك اوچیده بر آدمه عائد اولسه ویر کونامیلہ حکومت
 ایچون آیریلان قسم مستثنا اولق اوزره حاصل اولان ثروت
 كاملا او آدمه قالور . لکن جمعیات انسانیه نك حال حاضرینه
 نظراً اصحاب عملك ارض و سرمایہ یه مالك اولسی پك نادر
 اولوب بونلر اکثریت اوزره دیگرینك ارض و چفتلکنده
 چالشمقده و دیگرینك خانه سنده قارننی طور مقده درلر . علم
 ثروت لسانجه اجرت ایراد فائض لفظلی تمامیلہ خلقت
 دیدیکی معنایی شامل دکلدر . عمومہ ویریلان اجرتہ بعض کره
 بر قسم فائضده قاریشور . ایراده کلنجه بودائم بر قسم
 فائضی حاویدر . فائض دینیلان شیده بدرجه یه قدر اجرت
 ویا ایراد اوله ییلور . علم ثروتجه مطلق حق اعمال اوله رقی
 ویریلان شیئہ اجرت دنیلز . عملہ نك اکثریسی بر طاقم
 ادواته مالك درلر که بو ادوات بر مقدار سرمایہ یی شامل
 اولدیغندن بونلر ایچون فائض مناسب اعطاسی لازمدر
 علم ثروت لسانجه ایراد دیه ارض معدن نہر کبی وسائط
 طبیعیه دن اولان شیرك استعمالی ایچون ویریلان افچہ یه درلر
 برخانه ویا فابریقه ایرادی بو کلمه یه ویردیگمز معنایی تمامیلہ
 افاده ایتمز . مادامکه برخانه ویا فابریقه نك انشاسی ایچون
 سرمایہ صرف اولمشدر . بو سرمایہ ایچون فائض ویرمك

ایجاب ایلر . بناء علیه ایراد صحیحی بولق ایچون هر کسک
ایراد دیدکی بوقائضی تنزیل ایتمامز اقتضایدر .

بو حالدہ برخانہ نک ایراد صحیحی اوززینہ خانہ انشا
اولسان طو پراق ایچون ویرلش اولان مبلغدر . برچفتلکک
ایرادی دخی بوقیلدن اولدیغندن ابنیه ویول وسائرہ انشاسی
ایچون صرف اولسان اقچه نک فائضی حاویدر . اصحاب
سرمایہ نک اکثریسی اراضی استیجاریلہ فابریقه انشاوماکنہ
اشترا ایلدکلرندن ایش کوردیردکری عملیہ یالکز اجرت
اولہرق اقچه ویرلر . بوقسم سرمایہ دارانک چوغی بالذات
کندولری دیرکتورلک ایتدکلرندن انلردہ عملہر قدر هرکون
اوزون مدت چالیشور . ووقتاکہ اشیای معمولہ فروخت
ایدیلور . اندن حاصل اولان اقچه یی کاملاً الورلر . لکن
اشیانک حین اعمالندہ اجرت اولہرق مبالغ کلیہ ویرمش
بولندقلری کبی مبالغ حاصلہ نک برقسمنی استیجار ایلش
اولدقلری یرکراسنہ و برقسمیدہ تأمین معیشتہ قارشولق
اولق ایچون ایررلر . سرمایہ فائضدن بشقہ برشی دخی حاوی
اولمیدر . اودہ فابریقه امورینک اداره سی یولندہ مصروف
اولان مساعینک مکافاتی اولق لازم کلور . سرمایہ داران تأمین
مخاطره ضمنندہ تمتعات واقعہ دن آیر وجه بر حصہ دہا
ایرہ یملیدرلر .

چونکہ معاملات تجاریہ دہ ہر وقت آڑ چھڑی قرار سبزلق
ملفوظ اولدیغندن الہ ماهر ومدبر بر دیر کثیر وارد خاطر
اولیان وقوماتدن طولایی ضایعاتہ دوچار اولہ یلور.

